





水經注卷三十

漢 桑欽撰

後魏酈道元注

淮水

淮水出南陽平氏縣胎簪山東北過桐栢山

山海經曰淮出餘山在朝陽東義鄉西尚書導淮

自桐栢地理志曰南陽平氏縣王莽之平善也風

俗通曰南陽平氏縣桐栢大復山在東南淮水所

出也淮均也春秋說題辭曰淮者均其勢也釋名



水經注 卷三十一  
曰淮，韋也。韋繞揚州北界，東至于海也。爾雅曰：淮爲潏。然淮水與醴水同源，俱導西流爲醴，東流爲淮。自潛流地下三十許里，東出桐栢之大復山南，謂之陽口。水南卽復陽縣也。關駟言復陽縣，胡陽之樂鄉也。元帝元延二年，置在桐栢大復山之陽，故曰復陽也。東觀漢記曰：朱祐少孤，歸外家復陽。劉氏山南有淮源廟，廟前有碑，是南陽郭苞立。又二碑，並是漢延熹中守令所造。文辭鄙拙，殆不可觀。故經云：東北過桐栢也。

淮水又東逕義陽縣

縣南對固成山，山有水注流數丈，洪濤灌山，遂成巨井，謂之石泉水，北流注于淮。

淮水又逕義陽縣故城南

義陽郡治也。世謂白茅城，其城圓而不方。關駟言：晉太始中，割南陽東鄙之安昌平林平氏義陽四縣置義陽郡於安昌城。又太康記：晉書地道記並有義陽郡，以南陽屬縣爲名。漢武帝元光四年，封北地都尉衛山爲侯國也。有九渡水注之，水出雞



翅山礮澗潛委泂遡九渡矣其猶零陽之九渡水故亦謂之爲九渡焉於溪之東山有一水發自山椒下數丈素湍直注頽波委壑可數百丈望之若霏幅練矣下注九渡水九渡水又北流注于淮

東過江夏平春縣北

淮水又東油水注之

水出縣西南油溪東北流逕平春縣故城南漢和帝建初四年封子全爲王國淮水又東曲岸北有一土穴徑尺泉流下注泂流波三丈入于油水亂

流南屈又東北注于淮淮水又東北逕城陽縣故城南漢高帝十二年封定侯奚意爲侯國王莽之利新也魏城陽郡治

淮水又東北與大木水合

水西出大木山山卽晉車騎將軍祖逖自陳留將家避難所居也其水東逕城陽縣北而東入于淮淮水又東北流左會湖水

傍川西南出窮溪得其源也

淮水又東逕安陽縣故城南



水經注 卷三十 三  
江國也嬴姓矣今其地有江亭春秋文公四年楚人滅江秦伯降服出次日同盟滅雖不能救敢不矜乎地理志曰漢乃縣之呂后八年封淮南厲王子劉勃爲侯國王莽之均夏也

淮水又東得澗口水

源南出大潰山東北流翼帶三川亂流北注澗水又北逕賢首山西又北出東南屈逕仁順城南故義陽郡治分南陽置也晉太始初以封安平獻王孚長子望本治在石城山上因梁希侵逼徙治此

城齊司州刺史馬鮮卑不守魏置郢州也昔常珍奇自懸瓠遣三千騎援義陽行事龐定光屯于澗水者也澗水東南流歷金山北山無樹木峻峭層峙澗水又東逕義陽故城北城在山上因倚陵嶺周迴三里是郡昔所舊治城城南一十五步對門有天井周一百餘步深一丈東逕鍾武故城南本江夏之屬縣也王莽之當利縣矣又東逕石城山北山甚高峻史記曰魏攻冥阨音義曰冥阨或言在郢縣稍山也按呂氏春秋九塞其一也澗水逕



郟縣故城南建武中世祖封鄧邯為郟縣侯蘇林  
 曰音盲澗水又東逕七井岡南又東北注于淮淮  
 水又東至谷口谷水南出鮮金山北流至瑟水注  
 之水出西南具山東北逕光淹城東而北逕青山  
 東羅山西東北流注于谷水谷水東北入于淮  
 又東逕新息縣南

淮水東逕故息城南春秋左傳隱公十一年鄭息  
 有違言息侯伐鄭鄭伯敗之者也

淮水又東逕浮光山北

亦曰扶光山即弋山也逕新息縣故城南應劭曰  
 息後徙東故加新也王莽之新德也光武十九年  
 封馬援為侯國外城北門內有新息長賈彪廟廟  
 前有碑面南又有魏汝南太守程堯碑魏太和中  
 蠻田益宗劾域立東豫州以益宗為刺史淮水又  
 東合慎縣水水出慎陽縣西而東逕慎陽縣故城  
 南縣取名焉史記索隱曰慎陽屬汝南如淳曰音震關駟曰合作慎陽永平五年失印  
更刻遂誤以水為心漢高帝十一年封樂說為侯國潁陰劉  
 陶為縣長政化大行道不拾遺以病去官童謠歌

譚云篆文水  
 作出心作甲  
 相近後人不  
 識印文非誤  
 刻也



譚云語平澹  
然悒然不樂  
四字中多少  
含情甚深

譚云濯子淵  
東坡詩注作  
濯子淵

日悒然不樂。思我劉君。何時復來。安此下民。見思  
如此。應劭曰。慎水所出東北入淮。慎水又東流積  
為焦陂。陂水又東南流為上慎陂。又東為中慎陂。  
又東南為下慎陂。皆與鴻陂。陂水散流。其陂首受  
淮川。左結鴻陂。漢成帝時。翟方進奏毀之。建武中。  
汝南太守鄧晨欲修復之。知許偉君曉知水脉。召  
與議之。偉君言成帝用方進言毀之。尋而夢上天。  
天帝怒曰。何敢敗我濯子淵。是後民失其利。時有  
童謠曰。敗我陂。翟子威。及子覆。陂當復。明府興復

廢業。童謠之言將有徵矣。

漢書汝南舊有鴻陂。大陂郡以為饒。成帝時關

東數水。陂溢為害。翟方進為相。奏決去陂水。有童謠曰。壞陂誰。翟子威。飯我豆。食羹芋魁。反乎覆。陂當復。誰云者。兩黃鵠。遂署都水掾。起塘四百餘里。百姓得其

利。陂水散流。下合慎水。而東南逕息城北。又東逕

南入淮。謂之慎口。淮水又東與申陂水合。水上承

申陂於新息縣北。東南流分為二水。一水逕深丘

西。又屈逕其南。南派為蓮湖水。南流注于淮。淮水

又左。池流結兩湖。謂之東西蓮湖矣。

淮水又東。右合壑水。



水出白沙山東北逕柴亭西俗謂之柴水又東北流與潭溪水合水發潭谷東北流右會柴水柴水又東逕黃城西故弋陽縣也城內有二城西卽黃城也柴水又東北入於淮謂之柴口也

淮水又東北申陂枝水注之

水首受陂水於深丘北東逕釣臺南臺在水曲之中臺北有琴臺又東逕陽亭南東南合淮

淮水又東逕淮陰亭北又東逕白城南

楚白公勝之邑也又北去白亭一十里

淮水又東逕長陵戍南又東青陂水注之

分青陂東瀆東南逕白亭西又南於長陵戍東東南入于淮

淮水又東北合黃水

水出黃武山東北流木陵關水注之水導木陵山西北流注于黃水黃水又東逕晉西陽城南又東逕南光城南光郡治又東北逕高城南故弦高國也又東北逕弋陽郡東有虞丘郭南有子相廟黃水又東北入于淮謂之黃口淮水又東北逕褒信



縣故城南而東流注之者也

又東過期思縣北

縣故蔣國周公之後也春秋文公十年楚玉田于

孟諸期思公復遂為右司馬楚滅之以為縣漢高

帝十二年以封賁赫為侯國城之西北隅有楚相

孫叔敖廟廟前有碑

淮水又東北涘水注之

一作涘

水出弋陽縣南垂山西北流歷陰山關逕二城間

舊有賊難軍所謂頓防西北出山又東北流逕新

城戍東又東北得詔虞水口西北去弋陽虞丘郭

二十五里水出南山東北流逕詔虞亭東而北入

涘水又東北注淮俗曰白鷺水

東過原鹿縣南汝水從西北來注之

縣即春秋之鹿上也左傳僖公二十一年宋人為

鹿上之盟以求諸侯於楚建武十五年世祖更封

侍中執金吾陰鄉侯陰識為侯國者也

又東過廬江安豐縣東北決水從北來注之

廬江故淮南也漢文帝十六年別以為國應劭曰



故廬子國也決水自舒蓼北注不於北來也安豐東北注淮者窮水矣又非決水皆誤耳

淮水又東谷水入焉

水上承富水東南流世謂之谷水也東逕原鹿縣故城北城側水南谷水又東逕富陂縣故城北俗謂之成閭亭非也地理志曰汝南郡有富陂縣建武二年世祖改封平鄉侯王霸為富陂侯十三州志曰漢和帝永元九年分汝陰置多陂塘以漑稻故曰富陂縣也谷水又東於汝陰城東南注

下有缺字

淮水又東北左會潤水

水首受富陂東南流為高塘陂又東積而為陂水東注焦陵陂陂水北出為鮑陂陂水潭漲引瀆北注汝陰四周隍塹下注潁水焦湖東注謂之潤水逕汝陰縣東逕荆亭北而東入

淮水又東北窮水入焉

水出六安國安豐縣窮谷春秋左傳楚救濇司馬沈尹戌與吳師遇于窮谷者也川流泄注于決水之右北灌安豐之左世謂之安豐水亦曰窮水音



戎並聲相近字隨讀轉流結爲陂謂之窮陂塘堰雖淪猶用不輟陂水四分農事用康北流注于淮京相璠曰今安豐有窮水北入淮淮水又東爲安豐津水南有城故安豐都尉治後立霍丘戍淮淮中有洲俗號關洲蓋津關所在故斯洲納稱焉魏書國志有曰司馬景王征毋丘儉使鎮西將軍豫州刺史諸葛誕從安豐津先至壽春儉敗與小弟秀藏水草中安豐津都尉部民張屬斬之傳首京都卽斯津也

又東北至九江壽春縣西泚水洪水合北注之又東潁水從西北來流注之

淮水又東左合泚口又東逕中陽亭北爲中陽渡水流淺磧可以厲也

淮水又東流與潁口會東南逕倉陵北又東北流逕壽春縣故城西

縣卽楚考烈王自陳徙此秦始皇立九江郡治此兼得廬江豫章之地故以九江名郡漢高帝四年爲淮南國孝武元狩六年復爲九江焉文潁曰史



記貨殖傳曰淮以北沛陳汝南南郡爲西楚彭城以東東海吳廣陵爲東楚衡山九江江南豫章長沙爲南楚是爲三楚者也

淮水又北左合椒水

水上承淮水東北流逕虵地南又歷其城東亦謂之清水東北流注于淮水謂之清水口者左合椒水焉

又東過壽春縣北肥水從縣東北流注之

淮水於壽陽縣西北肥水從城而北入于淮謂之

肥口淮水又北夏肥水注之水上承沙水於城父縣右出東南流逕城父縣故城南王莽之恩善也縣故焦夷之地春秋左傳昭公九年楚公子棄疾遷許于夷實城父矣取州來淮北之田以益之伍舉授許夷田杜預曰此時改城父爲夷故傳實之者也言夷田在濮水西者也然則濮水卽沙水之兼稱得夏肥之通目矣漢桓帝永壽元年封大將軍梁冀孫桃爲侯國者也夏肥水自縣又東逕思善縣之故城南漢章帝章和三年分城父立夏肥



水又東爲高陂又東爲天淙陂水出分爲二流南爲肥水北爲雞陂夏肥東流左合雞水水出雞陂東爲黃陂又東南流積爲茅陂又東爲雞水呂氏春秋曰宋人有取道者其馬不進投之雞水是也雞水又會肥水而亂流東注俱入于淮

淮水又北逕山碇中謂之碇石對岸山上結二城以防津要西岸山上有馬跡世傳淮南王乘馬昇僊所在也今山之東南石上有大小馬跡一十餘所仍今存焉淮水又北逕下蔡

縣故城東本州來之城也吳季札始封延陵後邑州來故曰延州來矣春秋襄公二年蔡成公自新蔡遷于州來謂之下蔡也淮之東岸又有一城下蔡新城也二城對據翼帶淮濱淮水東逕八山北山上有老子廟淮水歷潘城南置潘溪戍戍東側潘溪吐川納淮更相引注又東逕梁城臨側淮川川左有湄城淮水左迤爲湄湖淮水又右納洛川於西曲陽縣北水分閭溪北絕橫塘北逕蕭亭東又北鵲甫溪水入焉水出東鵲甫谷西北流逕鵲



甫亭南西北流注于洛水北逕西曲陽縣故城東  
 王莽之延平亭也應劭曰縣在淮曲之陽下邳有  
 曲陽故是加西也洛澗北歷秦墟下注淮謂之洛  
 口經所謂淮水逕壽春縣北肥水縣東北注者也  
 蓋經之謬矣考川定土即實為非是日洛澗非肥  
 水也

淮水又北逕莫耶山西

山南有陰陵縣故城漢高祖五年項羽自垓下從  
 數百騎夜馳渡淮至陰陵迷失道左陷大澤漢令

譚云貪殘是  
 其虎能退貪  
 殘虎災已去  
 矣

騎將灌嬰以五千騎追及之於斯縣者也按地理  
 志王莽之陰陸也後漢九江郡治時多虎災百姓  
 苦之南陽宋均為守退貪殘進忠良虎悉東渡江  
 謝承漢書云南陽宗資祖父均趙明誠金石錄云  
 宗資墓在南陽有天鹿辟邪知宋均當作宗均也  
 又東過當塗縣北過水從西北來注之

譚云但取四  
 日不貴百年  
 何此俗之輕  
 別離也

淮水自莫耶山東北逕馬頭城北魏馬頭郡治也  
 故當塗縣之故城也呂氏春秋曰禹娶塗山氏女  
 不以私害公自辛至甲四日復往治水故江淮之  
 俗以辛壬癸甲為嫁娶日也禹娶在山西南縣即



水經注 卷三十一  
其地也地理志曰當塗侯國也魏不害以圍守尉捕淮陽反者公孫勇者漢以封之王莽更名山聚也

淮水又東北濠水注之

水出莫耶山東北之溪溪水西北引瀆逕禹墟北又西流注于淮

淮水又北沙水注之

經所謂浪蕩渠也淮之西有平阿縣故城王莽之平寧也建武十三年世祖更封耿阜爲侯國郡國

志曰平阿縣有當塗山淮出于荆山之左當塗之右奔流二山之間西揚濤北注之春秋左傳哀公十年大夫對孟孫曰禹會諸侯于塗山執玉帛者萬國杜預曰塗山在壽春東北非也余按國語曰吳伐楚麇會稽獲骨焉節專車吳子使來聘且問之客執骨而問之敢問骨何爲大仲尼曰丘聞之昔禹致羣神於會稽之山防風氏後至禹殺之其骨專車此爲大也蓋丘明親承聖旨錄爲實証矣又按劉向說苑辨物王肅之叙孔子廿二世孫孔

譚云古人臨文不避如此



水經注 卷三十一  
猛所出先人書家語並出此事故塗山有會稽之名考校羣書及方土一作之目疑非此矣蓋周穆之所會矣淮水於荆山北過水自南注之又東北逕沛郡義城縣東司馬彪曰後隸九江也又東過鍾離縣北

世本曰鍾離嬴姓也應劭曰縣故鍾離子國也楚滅之以爲縣春秋左傳所謂吳公子光伐楚拔鍾離者也王莽之蠶富也豪水出陰陵縣之陽亭北小屈有石穴不測所窮言穴出鍾乳所未詳也豪

水東北流逕其縣西又屈而南轉東逕其城南又北歷其城東逕小城而北流注于淮

淮水又東逕夏丘縣南

又東渙水西入九里注之渙水又東南流逕雝丘縣故城南又東逕承匡城又東逕襄邑縣故城南故宋之承匡襄牛之地宋襄公之所葬故號襄陵矣竹書紀年梁惠成王十七年宋景公衛公孫倉會齊師圍我襄陵十八年惠成王以韓師諸侯師于襄陵縣齊侯使楚景舍來求成公會齊宋之圍



卽於此也西有承匡城春秋會于承匡者也秦始皇以承匡卑濕徙縣於襄陵更爲襄邑也王莽以爲襄平也漢桓帝建和元年封梁冀子胡狗爲侯國陳留風俗傳曰縣南有渙水故傳曰睢渙之間出文章天子郊廟御服出焉尚書所謂厥篚織文者也渙水又東南逕巴吾縣故城南又東逕鄆城北春秋襄公元年經書晉韓厥帥師伐鄭魯仲孫蔑會齊曹邾杞次于鄆杜預曰陳留襄邑縣東南有鄆城渙水又東南逕鄆城北新城南又東南左合明溝溝水自蓬洪陂東南流謂之明溝下入渙水又逕亳城北帝王世紀曰穀熟爲南亳卽湯都也十三州志曰漢武帝分穀熟置春秋莊公十三年宋公子御說奔于亳者也渙水東逕穀熟城南漢光武建武二年封更始子歆爲侯國又東逕楊亭北春秋左氏傳襄公十二年楚子囊秦庶長無地伐宋師于楊梁以報晉之取鄭也京相璠曰宋地矣今睢陽東南三十里有故楊梁今日陽亭也俗名之曰緣城非矣西北去梁國八十里渙水又



東逕沛郡之建平縣故城南漢武帝元年封杜延年為侯國王莽之田平也又東逕鄆縣故城南春

秋襄公十年公會諸侯及齊世子光于鄆吳本作鄆誤按

左傳皆作會于祖古文祖作鄆應劭讀作嗟漢地志沛郡鄆縣注鄆本作鄆今為改正今其

地鄆聚是也王莽之鄆治矣渙水又東南逕費亭

南漢建和元年封中常侍沛國曹騰為侯國騰字

季興譙人也永初中定桓帝策封亭侯此城即其

所食之邑也渙水又東逕鉅縣故城南昔吳廣之

起兵也使葛嬰下之渙水又東苞水注之出譙城

北自汀陂陂水東流逕鄆縣南又東逕鄆縣故城

南漢志沛郡有鄆縣又有鄆縣孟康曰鄆音多漢景帝中元年封周應

為侯國王莽更之曰留城也音多又東逕稽山北

稽氏故居稽本姓奚會稽人也先人自會稽遷于

譙之鉅縣故為稽氏取稽字之上以為姓蓋志本

也稽氏譜曰譙有稽山家于其側遂以為氏縣魏

黃初中文帝以鄆城父山桑鉅置譙郡故隸譙焉

苞水東流入渙渙水又東南逕斬縣故城南地理

志曰故垂鄉也漢高帝破黥布於此縣舊都尉治



王莽之蘄城也水上有古石梁處遺基尚存渙水  
又東逕穀陽縣右會八丈故瀆瀆上承浚水南流  
注于渙渙水又東逕穀陽戍南又東南逕穀陽故  
城東北右與解水會水上承縣西南解塘東北流  
逕穀陽城南卽穀水也應劭曰城在穀水又東北  
流注于渙渙水又東南逕白石戍南逕虻城南浚  
水注之水首受蘄水於蘄縣東南流逕穀陽縣八  
丈故瀆出焉又東合長直故溝溝上承蘄水南會  
于浚浚水又東南流于浚縣故城北縣有垓下聚  
漢高祖破項羽所在也王莽更名其縣曰育城應  
劭曰浚水所出音絞經之絞也浚水又東南入于  
淮故應劭曰浚水南入淮淮水又東至巉石山潼  
水注之水首受潼縣西南潼陂縣故臨淮郡之屬  
縣王莽改曰成信矣南逕沛國夏丘縣絕蘄逕夏  
丘縣故城西王莽改曰歸思也又東南流逕臨潼  
戍西又東南至巉石西南入淮

淮水又東逕浮山

山北對巉石山梁氏天監中立堰於二山之間逆



天地之心垂民神之望自然水潰淮矣梁書康絢傳曰魏降

人王足陳計求堰淮水以灌壽陽高祖然之發徐揚人率二千戶取五丁以築之假絢節都督淮上

諸軍事并護堰作人及戰士有衆二十萬於鍾離南起浮山北抵巉石依岸以築土合脊於中流天

監十四年堰將合淮水漂疾復決潰用鐵數千萬斤沈于堰所伐樹爲井幹填以巨石加土其上士卒死者十七八明年四月堰乃成其長九里下闊

百四十丈天監十五年九月淮堰壞死者十餘萬

口

譚云是以人與水矣此人作之孽甚於洪水

淮水又東逕徐縣南歷澗水注之

導徐城西北徐陂陂水南流絕蘄水逕歷澗水西

東南流注于淮

淮水又東池水注之

水出東城縣東北流逕東城縣故城南漢以數千

騎追羽帥二十八騎引東城因四隕出斬將而去

卽此處也史記孝惠八年封淮南厲王子劉賜爲

侯國地理志王莽更名之曰武城也池水又東北

流歷二山間東北入于淮謂之池口也

淮水又東蘄水注之

水首受睢水於穀熟城東北東逕建城縣故城北

漢武帝元朔四年封長沙定王子劉拾爲侯國王



莽之多聚也。蘄水又東南逕蘄縣縣有大澤鄉陳涉起兵于此。燔火爲狐鳴處也。南則浚水出焉。蘄水又東南北入八丈故溝出焉。又東流南北長直故瀆出焉。又東入夏丘縣東絕澶水逕夏丘縣故城北。又東南逕澶縣南。又東流入徐縣東絕歷澗。又東逕大徐縣故城南。又東注于淮。

淮水又東歷客山逕盱眙縣故城西。

地理志曰都尉治漢武帝元朔元年封江都易王子劉蒙之爲侯國王莽更名之曰匡武淮水又東

逕廣陵歷淮陽城北臨泗水咀于二水之間述征

記淮陽太守治自後置戍縣亦有時廢興也。

又東北至下邳淮陰縣西泗水從西北來流注之。

淮泗之會卽角城也。左右兩川翼夾二水決入之所所謂泗口也。

又東過淮陰縣北中瀆水出白馬湖東北注之。

淮水右岸卽淮陰也。城西二里有公路浦昔袁術向九江將東奔袁譚路出斯浦因以爲名焉。又東逕淮陰縣故城北北臨淮水漢高帝六年封韓信



譚云二母爲  
鄰富知王孫  
獨千金爲  
投金增陵  
又死後事矣

爲侯國王莽之嘉信也昔韓信去下鄉而釣於此  
處也城東有兩冢西者卽漂母冢也周迴數百步  
高十餘丈昔漂母食信於淮陰信王下邳蓋投金  
增陵以報母矣東一陵卽信母冢也縣有中瀆水  
首受江于廣陵郡之江都縣縣城臨江應劭地理  
風俗記曰縣爲一都之會故曰江都也縣有江水  
又祠俗謂之伍相廟也子胥但配食耳歲三祭與五  
岳同舊水道也昔吳將伐齊北霸中國自廣陵城  
東南築邗城城下掘深溝謂之韓江亦曰邗溟溝

自江東北通射陽湖地理志所謂築水也

地理志  
江都有

渠而北至末口淮自永和中江都水斷其水上承

歐陽引江入埭六十里至廣陵城楚漢之間爲東  
陽郡高祖六年爲荊國十一年爲吳城卽吳王濞  
所築也景帝四年更名江都武帝元狩三年更曰  
廣陵王莽郡曰江平縣曰定安城東水上有梁謂  
之洛橋中瀆水自廣陵北出武廣湖東陸陽湖西  
二湖東西相直五里水出其間下注樊梁湖舊道  
東北出至博芝射陽二湖西北出夾耶乃至山陽



矣至永和中患湖道多風陳敏因穿樊梁湖北口  
下注津湖逕渡渡十二里方達北口直至夾耶興  
寧中復以津湖多風又自湖之南北口沿東岸二  
十里穿渠入北口自後行者不復由湖故蔣濟三  
州論曰淮湖紆遠水陸異路山陽不通陳穿溝更  
鑿馬瀨百里渡湖者也自廣陵出山陽白馬湖逕  
山陽城西卽射陽縣之故城也應劭曰在射水之  
陽漢高祖六年封楚左令尹項纏爲侯國也王莽  
更之曰監淮亭世祖建武十五年封子荆爲山陽  
中瀆又東謂之山陽浦又東入淮謂之山陽口者  
也

又東兩小水流注之

淮水左逕泗水國南故東海郡也徐廣史記音義  
曰泗水國名漢武帝元鼎三年初置都郊四年常  
山憲王子思王商爲國地理志曰王莽更泗水郡  
爲順水陵縣爲生麥凌水注之水出凌縣東流逕  
其縣故城東而東南流注于淮寔曰口也應劭曰



凌水出縣西南入淮即經所謂之小水者也

又東至廣陵淮浦縣入于海

應劭曰浦岸也蓋側淮濱故受此名淮水出縣故

城王莽更名之曰淮敬淮水於縣枝分北為游水

歷胸縣與沐合又匡匡字謠木詳胸山西山側有胸縣

故城秦始皇三十五年於胸縣立石海上以為秦

之東門崔琰述初賦曰倚高艫以周眄今觀秦門

之將將者也東北海中有大洲謂之郁洲山海經

所謂郁山在海中者也言是山自蒼梧徙此云山

上猶有南方草木今郁州治故崔季珪之敘述初

賦言郁洲者故蒼梧之山也心悅而恠之聞其上

有僊士石室也乃往觀見一道人獨處休休然不

談不對顧非已及也即其賦所云吾夕濟于郁洲

者也游水又北逕東海利城縣故城之東故利鄉

也漢武帝元朔四年封城陽共王子嬰為侯國王

莽更之曰流泉游水又北歷羽山西地理志曰羽

山在祝其縣東南尚書曰堯時曰四岳得舜進十

六族廼鯀于羽山是為檣杪與驩堯三苗共工同

譚云匡取  
匡字謠  
木詳



其罪故世謂之四凶。鯀既死，其神化為黃龍。

龍字誤音

語作黃能，韋昭注云：能似熊，宋庠音釋云：能乃來反。字林云：能，足似鹿，又為鼈類。東海人祭禹廟，不用熊白，及鼈為膳，汲冢晉春秋云：平公疾，夢朱羆窺屏，則又變能為羆矣。入于羽淵，是

為夏郊三代祀之故。連山易曰：有崇伯鯀，伏于羽

山之野者，是也。游水又北，逕祝其縣故城西。春秋

經書：夏公會齊侯于夾谷。左傳定公十年：公及齊

平會于祝其，實夾谷也。服虔曰：地二名，王莽更之

曰猶亭。縣之東有夾口浦，游水左逕瑯琊，即丘縣

故城之西。地理志曰：莒子始起于此，後徙莒，有鹽

譚云沒緊要  
却如此閒細

官故世謂之南莒也。游水又東北逕贛榆縣北，東

側巨海，有秦始皇碑在山上，去海一百五十步。潮

水至，加其上三丈，去則三尺。所見東北傾，石長一

丈八尺，廣五尺，厚三尺八寸，一行一十二字。游水

又東北逕紀鄆故城南。春秋昭公十九年：齊伐莒

莒子奔紀鄆。莒之婦人怒莒子之害其夫，老而託

紡焉，取其纒而夜緹緹絕鼓譟。城上人亦譟，莒共

公懼，啟西門而出。齊遂入紀。故紀子帛之國，穀梁

傳曰：吾伯姬歸于紀者也。杜預曰：紀鄆地二名，東



海贛榆縣東北有故紀城卽此水也游水東北入海舊吳之燕岱常泛巨海憚其濤嶮更泂溯是瀆由是出地理志曰游水自淮浦北入海爾雅曰淮別爲澣游水亦枝稱者也

水經注卷三十一

水經注卷三十一

漢 桑 欽撰

後魏 酈道元注

澠水

涓水

灑水

濯水

瀕水

濇水

湏水

澠水出南陽魯陽縣西之堯山

堯之末孫劉累以龍食帝孔甲孔甲又求之不得累懼而遷于魯縣立堯祠于西山謂之堯山故張衡南都賦曰奉先帝而追孝立唐祠於堯山堯山



在太和川太和城東北。洧水出焉。張衡南都賦曰：其川瀆則洧，澧灤澗發源巖穴，布濩漫汗，滌沆洋溢，總括急趣，箭馳風疾者也。洧水又歷太和川，東逕小和川，又東，溫泉水注之，水出北山，七泉奇發，炎熱特甚。闕駟曰：縣有湯水，可以療疾矣。湯側又有寒泉焉，地勢不殊，而炎涼異致。雖隆火盛日，肅若冰谷矣。渾流同谿，南流注洧水。又東逕胡木山，東流，又會溫泉口，水出北山，阜炎勢奇，毒痢疾之徒，無能澡其衝，漂救養者。白氏六帖作救養咸去湯十許

步，別池，然後可入。湯側有石銘云：皇女湯，可以療萬疾者也。故杜彥達云：然如沸湯，可以熟米飯而

一作飲之愈百病。道士清身沐浴，一日三飯。一作飲多少

自在。四十日後，身中萬病愈。三蟲死。學道遭難逢危，終無悔心，可以牢神存志。卽南都賦所謂湯谷

湧其後者也。然宛縣有紫山，山東有一水，東西十五里，南北二百步，湛然沖滿，無所通會。冬夏常溫

世亦謂之湯谷也。非魯陽及南陽之縣故也。張平子廣言：土地所苞，明非此矣。洧水又東，房陽川水

朱云半神字

譚云又介乎二者之間好精性





原件短缺

P3



朱云平地介  
立四字便是  
一首高士贊

譚云此山孤  
屹有丈夫氣  
何挂女名

注之水出南陽雒縣西房陽川北流注于湑湑水  
之北有積石焉世謂女靈山其山平地介立不連  
岡以成高峻石孤峙不託勢以自遠四面壁絕極  
能靈舉遠望亭亭狀若單楹插霄矣北面有如頽  
落劣得道步當作通步好事者時有扳陟耳湑水又與  
波水合水出霍陽西川大嶺東谷俗謂之歇馬嶺  
川曰廣陽川非也卽應劭所謂孤山波水所出也  
馬融廣成頌曰浸以波滢其水又南逕蠻城下蓋  
蠻別邑也俗謂之麻城非也波水又南分三川於

年立彭水又東北流直應城南而入湑湑水又左

合橋水水出魯陽縣北恃東

宋本作北恃山

東南逕應山

北又南逕應城西地理志曰故父城縣之應鄉也

周武王封其弟爲侯國應劭曰韓詩外傳稱周成

王與弟戲以桐葉爲圭曰吾以封汝周公曰天子

無戲言王乃應時而封故曰應侯鄉亦曰應鄉按

呂氏春秋云成王以桐葉爲圭封叔虞非應侯也

汲郡古文殷時已有應國非成王矣戰國范雎所

封邑也謂之應水湑水又東逕犍縣故城北左傳



昭公元年冬楚公子圍使伯州犁城犇是也出于  
魚齒山下春秋襄公十八年楚伐鄭次于魚陵涉  
於魚齒之下甚雨楚師多凍徒役幾盡晉人聞有  
楚師師曠曰不害吾驟歌北風又歌南風南風不  
競多死聲楚必無功矣所涉卽澧水也水南有漢  
中常侍長樂太僕吉侯苞冢冢前有碑基西枕岡  
城開四門門有兩石獸墳傾墓毀碑獸淪移人有  
掘出一獸猶全不破甚高壯頭去地減一丈許作  
制甚工左膊上刻作辟邪字門表塹上起石橋歷

碑云語特嚴  
情覺坡翁遊  
桓山記爲繁

時不毀其碑云六帝四后是謬蓋任自安帝  
沒于桓后于時閹閹擅權五侯暴世割剝公私以  
事生死夫封者表有德碑者頌有功自非此徒何  
用許爲石至千春不若速朽苞墓萬古祇彰誚辱  
嗚呼愚亦甚矣澧水又東犇水注之俗謂之秋水  
非也水有二源東源出其縣西南踐犢山東崖下  
水方五十許步不測其深東北流逕犇縣南又東  
北屈逕其縣東而北合西流水西源出縣西南頗  
山北阜下東北逕犇城西又屈逕其縣北東合二



水亂流北注于湍漢高祖入關破南陽太守呂齮於犍東卽於是地湍水之陰也湍水又東南逕昆陽縣故城北昔漢光武與王尋王邑戰於昆陽敗之走者相騰踐奔殪百餘里會大雨如注湍水盛溢虎豹皆股戰士卒爭赴溺死者以萬數水爲不流王邑嚴尤陳茂輕騎皆乘尸而度矣

東北過潁川定陵縣西北又東過鄆縣南東入于汝湍水東逕西不羹亭南亭北背汝水於定陵城北東入汝鄆縣在南不得過

清水出弘農盧氏縣攻離山東南過南陽西鄂縣西北又東過宛縣南

瀘水導源東流逕鄆縣故城北郭仲產曰鄆縣故城南在攻離山東鄆舊縣也三倉曰樊鄧鄆鄆有二城北鄆也漢祖入關下浙鄆卽此縣也清水又東南流雒縣之雒衡山東逕百章郭北又東魯陽關水注之水出魯陽縣南分水嶺南水自嶺南流北水從嶺北注故世俗謂此嶺爲分頭也其水南流逕魯陽關左右連山插漢秀木于雲是以張景



陽詩云朝登魯陽關峽路峭且深亦司馬芝與母

遇賊處也

魏志司馬芝字子華河內温人也少為書生避亂荆州於魯陽山遇賊同行者

皆棄老弱走芝獨坐守老母賊至以刃臨芝芝叩頭曰母老唯在諸君賊曰此孝子也殺之不義遂得免官至關水歷雒衡山西南逕皇后城西建武

元年世祖遣侍中傅俊持節迎光烈皇后於清陽

俊發兵三百餘人宿衛皇后道路歸京師蓋稅舍

所在故城得其名矣山有石室甚飾潔相傳名皇

后浴室又所幸也關水又西南逕雒縣故城南昔

秦文公之世有陽伯者逢二童子曰曰彼兩童一

雒也得雌者霸雄者王二童翻飛化為雙雒光武

獲雒於此山以為中興之祥故置縣以名焉

按列異傳

云陳倉人得異物獻之道遇二童子云此俗為媼在地下食死人腦媼乃言彼二童子名陳寶得雒者王得雌者霸乃逐童子化為雒秦穆公大獵果獲其雌搜神記所引正同但云其雒者飛至南陽秦表其地為雒縣後光武起於南陽此注自曰以下似有缺文關水又屈而東南

流注于清清水又東南流逕博望縣西北故城東

郭仲產曰郡東北一百二十里漢武帝置校尉張

騫隨大將軍衛青西征為軍前導相望水草得以

不乏元光六年封騫為侯國地理志曰南陽有望



朱云時碑鑄  
額用篆猶存  
漢制但文字  
悉是古文即  
不可復矣

縣王莽改之曰宜樂也清水又東南逕西鄂故城  
東應劭曰江夏有鄂故加西也昔劉表之攻杜子  
緒於西鄂也功曹伯孝長聞戰鼓之音懼而閉戶  
蒙被自覆漸登城而觀言勇可習也清水又南涓  
水注之水出弘農郡盧氏縣之熊耳山東南逕酈  
縣北東南逕房陽城北漢哀帝四年封南陽太守  
孫寵為侯國俗謂之房陽川又逕西鄂縣南水北  
有張平子墓墓之東側墳有平子碑文字悉是古  
文篆額是崔瑗之辭盛弘之郭仲產並云夏侯孝

若為郡薄其文復刊碑陰為銘然碑陰二銘乃是  
崔子玉及陳翕耳而非孝若悉是隸字二首並存  
嘗無毀壞又言墓次有二碑今唯見一碑或是余  
夏逕驛途疲而莫究矣水南道側有二石樓相去  
六七丈雙跂齊竦高可丈七八柱圓圍二丈有餘  
石質青綠光可以鑒其上鑿櫺承拱雕簷四柱窮  
巧綺刻妙絕人工題言蜀郡太守姓王字子雅南  
陽西鄂人有三女無男而家累千金父沒當塋女  
自相謂曰先君生我姊妹無男兄弟今當安神玄



宅、翳靈后、上寘寘絕後、何以彰吾君之德、各出錢  
五百萬、一女築墓、二女建樓、以表孝思、銘云墓樓  
東平林不近墳墓而不能測其處所矣、洹水又東  
南流注于清水、世謂之肄洹、聲相近非也、地理志  
曰熊耳之山出三水、洹水其一焉、東南至魯陽入  
洹是也、清水又南逕預山、東山上有神廟、俗名之  
為獨山也、山南有魏車騎將軍黃權夫妻二冢、地  
道潛通、其冢前有四碑、其二魏明帝立、二是其子  
及臣吏所樹者也、清水又西南逕史定伯碑南、又

西為瓜里津、水上有三梁、謂之瓜里渡、自宛道途  
東出赭陽而道方城、建武三年世祖自赭陽西入

破虜將軍劉奉

後漢書  
作鄧奉

怨漢掠新野拒瓜里上親

搏戰降之、夕陽下遂斬奉、郡國志所謂宛有瓜里  
野津、夕陽聚者也、阻橋即桓溫故壘、處溫以升平  
五年與范汪眾軍北討、列營清水、又西南逕晉蜀郡  
太守鄧義山墓、南又南逕宛城東、其地故升伯之  
國、楚文王滅申以為縣也、秦昭襄王使白起為將  
伐楚、取郢即以此地為南陽郡、改縣曰宛、王莽更名



郡曰前隊縣曰南陽劉善曰在中國之南而居陽地故以爲名大城西南隅卽古宛城也荊州刺史治故亦謂之荊州城今南陽郡治大城其東城城內有舊殿基周二百步高八尺陛階皆砌以青石大城西北隅有基周一百步高五丈蓋更始所起也地西三里有古臺高三丈餘文帝黃初中南巡行所築也清水又屈而逕其縣南故南都賦所言清水蕩其胸者也王莽地皇二年朱鮪等共於城南會諸將設壇燔燎立聖公爲天子於斯水上世

語曰張繡反公與戰敗子昂不能騎進馬於公而昂遇害魏書曰公征至宛臨清水祠亡將士歔歔流涕衆皆哀慟清水又南梅谿水注之水出縣北紫山南逕百里奚故宅奚宛人也於秦爲賢大夫所謂迷、虞、智、秦者也紫谿又逕宛西呂城東史記

曰呂尚先祖爲四嶽佐禹治水有功虞夏之際受封於呂故因氏爲呂尚也徐廣史記音義曰呂在宛縣高后四年封昆弟子呂恕爲呂城侯疑卽此

也按史記呂后紀四年封呂忿爲呂城侯又按新蔡縣有大呂小呂



亭而未知所是也。梅谿又南逕杜衍縣東，故城在  
西。按漢高帝七年，封郎中王翳爲侯國，王莽更之，  
曰閏衍矣。土地墊下，湍谿是注。古人於安衆塲之，  
今遊水是。潛謂之安衆港。世祖建武三年，上自宛，  
遣潁陽侯祭遵西擊鄧奉，弟衆破之於杜衍。進兵  
涅陽者也。梅谿又南，謂之石橋水，又謂之汝谿。之  
流而左注清水，清水之南，又有南就聚。郡國志所  
謂南陽宛縣有南就聚者也。郭仲產言宛城南三十  
十里有一城，甚卑小，相承名三公城。漢時鄧禹等

歸鄉，餞離處也。盛弘之著荊州記，以爲三公置，余  
按清水左右舊有二澁，所謂南澁北澁者。水側之  
澁聚在涓陽之東北，考古推地則近矣。城側有范  
蠡祠，蠡宛人祠，卽故宅也。後漢末有范曾，字子閔，  
爲大將軍，司馬討黃巾賊至此，祠爲蠡立碑，文勒  
可尋。夏侯湛之爲南陽，又爲立廟焉。城東有大將  
軍何進故宅，城西有孔嵩舊居。嵩字仲山，宛人，與  
山陽范式有斷金契，貧無養親，賃爲阿街卒，遣迎  
式，式下車把臂曰：子懷道，卒伍不亦痛乎？嵩曰：侯



羸賤役晨門卑下之位。古人所不耻。何痛之有。故其讚曰。仲山通達。卷舒無方。屈身厮役。挺秀含芳。又屈南過清陽縣東。

清水又南入縣。逕小長安。司馬彪郡國志曰。縣有小長安。聚謝沈漢書稱光武攻清陽不下。引兵欲攻宛。至小長安。與甄阜戰。敗於此。清水又西南逕其縣故城南。桓帝延熹七年。封鄧康爲侯國。縣故南陽典農治。後以爲清陽郡。省郡復縣。避晉簡文諱。更名云陽焉。清水又逕安樂郡北。漢桓帝建和

六年。封司徒胡廣爲清陽縣安樂鄉侯。今於其國立樂宅。戍郭仲產襄陽記曰。南陽城南九十里。有晉尚書令樂廣故宅。廣字彥輔也。善清言。見重當時。成都王廣女婿。長沙王猜之。廣曰。寧以一女而易五男。猶疑之。終以憂殞。其故居今置戍。因以爲

名

又南過新野縣西

此下原有廿二字。重出。今刪去。

清水又南入新野縣。枝津分派。東南出苞隰。衍注左積爲陂。東西九里。南北一十五里。陂水所溉。咸



為良沃。涓水又南與湍水會。又南逕新野縣故城。西世祖之敗，小長安也。姊元遇害，上即位感悼，姊沒，追謚元為新野節義長公主。即此邑也。晉咸寧二年，封大司馬扶風武王少子歆為新野郡公。割

南陽伍屬

屬下當脫一字

陽蔡陽穰鄧山都封為王

按晉書新

野莊王傳云歆字弘舒太康中封新野縣公邑千八百戶惠帝本紀云永寧元年三月齊王冏起兵討趙王倫而新野公歆皆舉兵應之四月倫伏誅明年為太安元年十二月成都王穎新野王歆同會洛陽請廢冏還第知歆進封為新野王在趙王倫伏誅之後也此注斷脫聊復備記之更立中隔西即郡治東則民居城西傍涓水又東

與朝水合水出西北赤石山而東南逕冠軍縣界地名沙渠又東南逕穰縣故城南楚別邑也秦拔鄢郢即以為縣秦昭王封相魏冉為侯邑王莽更名曰豐穰也魏荊州刺史治朝水又東南分為二水一水枝分東北為樊氏陂陂東四十里南北五里俗謂之凡亭陂陂東有樊氏故宅樊氏既滅庾氏取其陂故嘖曰陂汪汪下田良樊子失業庾公昌昔在晉世杜預繼信臣之業復六門之陂邊六門之水，下結二十九陂，諸陂散流，咸入朝水，事見



結○字勁

六門碑、六門既破、諸陂遂斷、朝水又東、逕朝陽縣故城北而東南、注于涓水、又東南與棘水合、水上承赭水、赭水出棘陽縣北、數源並發、南流逕小赭鄉、謂之小赭水、世祖建武二年、成安侯臧宮從上擊赭也、東源方七八步、騰湧若沸、故世名之騰沸水、南流逕于赭鄉、謂之赭水、建武二年、祭遵引兵南擊董訢於赭鄉、以水氏縣故有赭陽之名也、地理志曰、縣有赭水、王莽曰陽城也、漢哀帝改爲順陽、建武二年、更封安陽侯朱祐爲赭陽侯、赭水縣

場以爲陂、東西夾岡、水相去五六里、古今斷岡兩

舌都水潭漲古今斷岡兩舌當作左右斷岡兩舌

者謂之舌蓋削去陂陀之土接南北一十餘里水

決南潰下注爲灣灣分爲二西爲赭水東爲榮源

赭水叅差流結兩湖故有東陂西陂之名二陂所

導俱水枝分東南至會口入泚是以地理志云泚

水赭水皆言入蔡互受通稱故也二湖流注合爲

黃水謂所受焉逕棘陽縣之黃淳聚又謂之爲黃

淳水者也故謝沈漢書甄阜等敗光武于小長安



東乘勝南渡黃淳水前營皆阻兩川謂臨泚水絕

後橋示無還心漢兵擊之二軍潰溺死黃淳水者

二萬人又南逕棘陽縣故城西應劭曰縣在棘之

陽是知斯水為棘水也漢高帝七年封莊得臣為

侯國按史記年表棘後漢兵起擊唐子鄉一作殺

湖陽尉進拔棘陽鄧晨將賓客會光武于此縣也

棘水又南逕新野縣歷黃郵聚世祖建武三年傅

俊岑彭進擊秦豐先拔黃郵者也謂之黃郵水大

司馬吳漢破秦豐於斯水之上其聚落悉為蠻居

猶名之為黃郵蠻棘水自新野縣東而南流入於

清水謂之為力口也棘力聲相近當為棘口也又

是方俗之音故字從讀變若世以棘子木為力子

之木也舊本誤以灑水東北流枝瀆有清水又東

南逕士林東戍名也戍有邸閣水左有豫章大陂

下灌良疇三千許頃也

西過鄧縣東南入于沔

縣故鄧侯吾離之國也楚文王滅之秦以為縣清

水右合濁水俗謂之弱溝水上承白水於朝陽縣



東南流逕鄧縣故城南習鑿齒襄陽記曰楚王至  
鄧之濁水去襄陽二十里卽此水也濁水又東逕  
鄧塞者卽鄧城東南小山也先後名之爲鄧塞昔  
孫文臺破黃祖於其下濁水東流注于涓涓水又  
南逕鄧塞東又逕鄧城東古鄧子國也蓋鄧之南  
鄙也昔巴子請楚與鄧爲好鄧人奪其幣卽是邑  
也司馬彪以爲鄧之鄧聚矣

灑水出灑強縣南澤中東入潁

灑水出潁川陽城縣少室山東流注于潁水而亂

流東南逕臨潁縣西北小灑水出焉東逕臨潁縣  
故城北灑水又東逕灑陽城北又東逕灑強縣故  
城南建武元年世祖封楊化將軍堅鐔爲侯國灑  
水東爲陶樞陂余按灑陽城在灑水南然則此城  
正應爲灑陰城而有灑陽之名者明在南猶有灑  
水故此城以陽爲名矣潁水之南有二瀆其南瀆  
東南流行歷臨潁亭西東南入汝今無水也疑卽  
灑水之故瀆矣汝水於奇雜城西別東派時人謂  
之灑水東北流枝瀆右出世謂之死汝也別汝又



水經注 卷三十一  
東北逕召陵城北練溝出焉別汝又東汾溝出焉  
別汝又東逕征羌城北水南有汾陂俗音糞汾水  
自別汝東注而爲此陂水積征羌城北四五里方  
三十里許瀆左合小灑水水上承狼陂南流名曰  
華水清陵陂水自陂東注之東迴又謂之小灑水  
而南流注于大灑水大灑水取稱蓋藉灑汾注而  
總受巨宋本目矣又東逕西華縣故城南又東逕  
汝陽縣故城北東注于潁  
濯水出汝南吳房縣西北與山東過其縣北入于汝

譚云天馬來  
渥洼白羊出  
瀕水物產神  
異殆不可曉

縣西北有堂谿城故房子國春秋定公五年吳王  
闔閭弟夫概奔楚封之於堂谿故曰吳房也漢高  
帝八年封莊侯楊武爲侯國建武中世祖封泗水  
王歙子燁爲堂谿侯山谿有白羊淵淵水舊出山  
羊當作漢武帝元封二年白羊出北淵畜牧者禱  
祀之俗禁拍手嘗有羊出水野母驚仆自此絕焉  
淵水下合濯水濯水東逕濯陽縣故城西東流入  
瀕水亂流逕其縣南世祖建武元年封吳漢孫且  
爲侯國其水又東入于汝水



瀕水出無陰縣東上界山

山海經謂之視水也郭景純注或曰視宜爲瀕出  
歲山許慎云出中陽山皆山之殊目也而東與此  
水合水出無陰縣旱山東北流注瀕瀕水又東北  
殺水出西南大熟之山東北流入于瀕瀕水又東  
淪水注之水出宣山南東流注瀕水瀕水又東得  
奧水口水西出奧山東入于瀕水也

東過吳房縣南又東過濯陽縣南

應劭曰濯水出吳房縣東入瀕縣之西北卽兩川

之交會也

又東過上蔡縣南東入汝

無水出無陰縣西北扶予山東過其縣南

山海經曰朝歌之山無水出焉東流于滎經書扶  
予者其山之異名乎滎水上承赭水東流左與西  
遼水合又東東遼水注之俱導北山而南流注于  
滎滎水又東北於無陰縣北左會無水之道稍西  
不出其縣南其故城在山之陽漢光武建武中封  
岑彭爲侯國漢以爲陽山縣魏武與張繡戰于宛



譚云有此妙地天人無權

譚云筆端有變理之力

馬名絕景為流矢所中公傷右臂引還無陰即是地也城之東有馬仁陂郭仲產曰陂在泚陽縣五十里蓋地百頃其所周溉田萬頃隨年變種境無儉歲陂水三周其隍故瀆自隍西南而會於泚無水不得復逕其南也且邑號無陰故無出南之理出南則為陽也非直不究又不思矣無水又東北

河水注之水出雒衡東山南逕建城東

按漢書地理志南陽

郡雒縣注云衡山澧水所出東至鄧入汝此河水誤當作澧水

建當為卷字讀

誤耳郡國志云葉縣有卷城其水又東流入于無

無水東北逕于東山西西流入無無水之左即黃

城山也水出黃城山東北逕方城郡國志曰葉縣

有方城郭仲產曰苦萊于東之間有小城名方城

東臨谿水尋此城致號之由當因山以表名也苦

萊即黃城也及于東通為方城矣世謂之方城山

水東流注無水故地理志曰南陽葉方城邑西有

黃城山是長沮桀溺耦耕之所有東流水則子路

問津處尸子曰楚狂接輿耕於方城蓋於此也盛

弘之云葉東界有故城始犇縣東至觀水達

當作逕



譚云聯聯佳  
聯絡便是常  
語

泚陽界南北聯聯數百里

御覽玉海及舊本皆作  
聯聯數百里吳本改作

聯絡號為方城一謂之長城云酈縣有故城一面未

詳里數號為長城即此城之西隅其間相去六里

御覽及宋本俱  
作相去六百里若南北雖無基築皆連山相接而

漢水流其南故屈完答齊桓公云楚國方城以為

城漢水以為池郡國志曰葉縣有長城曰方城指

此城也漁水又東北歷舞陽縣故城南漢高祖元

年按年表  
是六年封樊噲為侯國也

又東過西平縣北

縣故栢國也春秋左傳所謂江黃道栢方睦於齊

也漢曰西平其西呂墟即西陵亭也西陵平夷故

曰西平漢宣帝甘露三年封丞相于定國為侯國

王莽更之曰新亭晉太康地理志曰縣有龍泉水

可以砥礪刀劍特堅利故有堅白之論矣是以龍

泉之劍為楚寶也縣出名金古有鐵官

又東過酈縣南

酈縣故城去此遠矣不得過

又東過定潁縣北東入于汝

譚云贊此二

句尾刀劍之

實妙合水德

不藉他山

譚云語如郭



漢安帝永初二年分汝南郡之上蔡縣置定潁縣  
延光中以陽翟郭鎮之為尚書令封定潁侯即此  
邑也

潁水出蔡陽縣

鍾云酈道元注大洪山似詳於武當今武當甚顯而大洪猶不甚著以此僻故也

潁水出縣東南大洪山山在隋郡之西南竟陵之  
東北槃基所跨廣圓一百餘里峰曰縣鈎處平縣  
衆阜之中為諸嶺之秀山下有石門夾郭層峻巖  
高皆數百許仞入石門又得鍾乳穴穴上素崖壁  
立非人跡所及穴中多鍾乳凝膏下垂望齊冰雪

此注作峯曰懸鈎處衆阜之中云云文似明暢今注峰曰懸鈎處句平懸衆阜之中平懸二字正解懸鈎而寫景奇特正在於此御覽翻刻劇多訛誤今人反據以証原註良可笑也

微津細液滴瀝不斷幽穴潛遠行者不極窮深而  
穴內常有風勢舊本作風勢吳本改作風熱火無能以經久故

也潁水出于其陰初流淺狹遠乃廣厚可以浮舟

柁巨川矣時人以潁水所導故亦謂之為潁山矣

潁水東北流合石水石水出大洪山東北流注于

潁謂之小潁水而亂流東北逕上唐縣故城南本

蔡陽之上唐鄉舊唐侯國春秋定公三年唐成公

如楚有兩肅霜馬子常欲之弗與止之三年唐人

竊馬而獻之子常歸唐侯是也潁水又東均水注



之水出洪山東北流逕土山北山上

山上二字疑脫誤

山又東北流入于澗水澗水又屈而東南流

東南逕隋縣西

縣故隋國矣春秋左傳所謂漢東之國隋

左傳作隨為

大者也楚滅之以為縣晉武太康中立為郡有澆

水出縣西北黃山南逕澌西縣西又東南澌水入

焉澌水出桐栢山之陽呂忱曰水在義陽澌水東

南逕澌西縣西又東南流于澆澆水又東南逕隋

縣故城西春秋魯莊公四年楚武王伐隋令

左傳作令

尹闕初莫敖屈重除道梁澆軍臨於隋謂此水也

水側有斷蛇丘隋侯出而見大蛇中斷因舉而藥

之故謂之斷蛇丘後蛇銜明珠報德世謂之隋侯

珠亦曰靈蛇珠丘南有隋季良

左傳作梁

大夫池其水

又南與義井水合水出隋城東南井泉嘗湧溢而

津津冬夏不異相承謂之義井下流合澆澆水又

南流注于澗澗水又會于支水水源亦出大洪山

而東流注于澗澗水又逕隋縣南隋城山北而東

南注

卷三十一



又南過江夏安陸縣西

遼水當作隨水出隋郡永陽縣東石龍山西北流南廻

逕永陽縣西歷橫尾山即禹貢之陪尾山也遼水

又西南至安陸縣故城西故鄖城也因岡為墉峻

不假築洧水又南逕石巖山北昔張昌作亂於其

下籠彩鳳以惑眾晉太安二年鎮南將軍劉弘遣

牙門皮初與張昌戰於清水昌敗追斬於江夏舊本

作斬於江夏吳本改作斬於江夏按晉書劉弘傳云追斬張昌于下雋山即春秋左傳

定公四年吳敗楚于柏舉從之及于清發蓋澗水

又東南流而右會富水出竟陵郡新市縣東北大

陽山水有二源也大富水出山之陽南流而左合

小富水水出山之東而南逕三王城東前漢末王

匡王鳳王常所屯故謂之三王城城中有故碑文

字闕落不可復識其水屈而西南流右合大富水

俗謂之大泌水也又西南流逕杜城西按漢志江夏郡有雲

杜縣村城疑誤新市縣治也郡國志以為南新市也中山

有新市故此加南分安陸立縣又王匡中興初舉

兵於縣號曰新市兵者也富水又東南流於安陸



譚云聲情相  
親非靜人無  
能領取

界左合土山水世謂之章水水出土山南逕隨郡  
平林縣故城西俗謂之將陂城與新市接界故中  
興之始兵有新市平林之號又南流右入富水富  
水又東入于澗澗水又逕新城南永和五年晉大  
司馬桓溫築澗水又會溫水溫水出竟陵之新陽  
縣東澤中口徑二丈五尺垠岸重沙端淨可愛靖  
以察之則淵泉如鏡聞人聲則揚湯奮發無所復  
見矣其熱可以燂雞洪濶百餘步冷若寒泉東南  
流注于澗水又右得潼水水出江夏郡之曲陵縣

西北潼山東南流逕其縣南縣治石潼故城城圓  
而不方東入安陸注于澗水

又東南入于夏

澗水又南分爲二水東通澗水西入于沔謂之澗  
口也



水經注卷三十一

水經注卷三十二

漢 桑欽撰

後魏酈道元注

涿水

蘄水

決水

泚水

泄水

肥水

施水

沮水

漳水

夏水

羌水

涪水

潼水

涪水

涿水出江夏平春縣西

涿水北出大義山南至厲鄉西賜水入焉水源東



譚云神於農  
地德同竅俱  
啓賦自通

出大紫山分爲二水一水西逕厲鄉南水南有重

山即烈山也山下有一穴父老相傳云是神農所

生處也故禮謂之烈山氏水北有九井子書所謂

神農既誕九井自穿謂斯水也盛弘之荊州記云

北重塹周之廣一頃二神農九井在厲山

十畝內有地云神農宅又言汲一井則衆水動井

今堙塞遺迹髣髴存焉亦云鄉故賴國也有神農

社賜水西南流入于溲即厲水也賜厲聲相近宜

爲厲水矣一水出義鄉西南入隋又注溲溲水又

南逕隋縣注安陸也

南過安陸入于溲

蘄水出江夏蘄春縣北山

山即近柳也近宋本水首受希水枝津西南流歷

蘄山出蠻中故以此蠻爲五水蠻水即謂巴水也

又赤亭水西歸水蠻左馮居沮藉山川世爲抄暴

宋世沈慶之於西陽上下誅伐蠻夷即五水蠻也

南過其縣西

晉改爲蘄陽縣縣從江州置大陽戍後齊安郡移



又南至蘄口南入于江

蘄水南對蘄陽州入于大江謂蘄口洲上有蘄陽

縣徙

決水出廬江雩婁縣南大別山

俗名之為檀山峴蓋大別之異名也其水歷山委注而絡其縣也

北過其縣東

縣故吳也春秋左傳襄公二十六年楚子秦人侵

吳及雩婁聞吳有備而還是也晉書地道記云在

安豐縣之西南即其界也故地理志曰決水出雩

當有婁字

又北過安豐縣東

決水自雩婁縣北逕雞備亭春秋昭公二十三年

吳敗諸侯之師于雞父者也安豐縣故城今邊城

郡治也王莽之美風也世祖建武八年封大將軍

涼州牧竇融為侯國晉立安豐郡決水自縣西北

流逕蓼縣故城東又逕其北漢高帝六年封孔藁

為侯國也

孔藁漢書功臣表作孔聚

世謂之決水也水又西北



灌水注之其水導源廬江金蘭縣西北東陵鄉大蘇山即注水也孫云當作灌水許慎日出雩婁縣俗謂之

澮水也楮先生所謂神龜出于江灌之間嘉林之中蓋謂此水也今龜筮傳云神龜出于江淮之間此注作江灌蓋所見之本各異耳

灌水東北逕蓼縣故城西而北注決水也故地理志曰決水北注蓼入灌灌水於蓼亦入決孫按漢志

云決水北至蓼入淮又有灌水亦北至蓼入決春秋宣公八年冬楚公子滅舒蓼臧文仲聞之曰臯陶庭堅不祀忽諸德之不逮民之無援哀哉按左傳文公五年冬楚公子熒滅蓼臧文仲聞之有臯陶

庭堅不祀之歎至宣公八年夏楚人滅舒蓼自是兩事決水又北右會陽泉水水受決水東北流逕陽泉縣故城東故陽泉鄉也漢靈帝中封大尉黃琬為侯國又西北流左入

決水謂之陽泉石也當作陽泉口又北入于淮

俗謂之決口非也斯決灌之口矣余往因公至于淮津舟車所屆次于決水訪其民宰與古名全違

脉水尋經方知決水宋本蓋灌澮聲相倫習俗害

真耳

譚云習俗害真寧止一字



泚水出廬江潛縣西南霍山東北

潛者山水名也開山圖潛山圍繞大山為霍山

爾雅

大山宮小山曰霍郭注云宮謂圍繞之

郭景純曰潛水出焉縣即其

稱矣春秋昭公二十七年吳因楚喪圍潛是也地

理志曰泚水出泚山不言霍山泚字或作泚水

孫云

按漢志泚山泚水所出北至壽春入芍陂師古曰泚音比又音布几反

又東北逕博

安縣泚水出焉

東北過六縣東

泚水東北右會踰鼓川水水出東南踰川西北流

左注泚水泚水又西北逕馬亭城西

亭宋本作亭

又西

北逕六安縣故城西縣故咎陶國也夏禹封其少

子奉其祀今縣都陂中有大冢民傳曰公琴者即

臯陶冢也楚人謂冢為琴矣漢高帝元年別為衡

山國五年屬淮南文帝十六年復為衡山國武帝

元狩二年別為六安國王莽之安風也漢書所謂

以舒屠六晉太康三年廬江郡治泚水又西北分

為二水出焉又北逕五門亭西西北流逕安豐縣

故城西晉書地道記安豐郡之屬縣也俗名之曰



安城矣又北會濡水亂流西北注之

北入于淮

水之決會謂之泚口也

泄水出博安縣

博安縣地理志之博鄉縣也王莽以為揚陸矣泄

水自縣上承北水於麻步川西北歷山濡谿謂之

濡水也

北過芍陂西與泚水合

泄水自濡谿水

宋本  
作口

安豐縣北流注于淠一謂之

其濡口

西北入于淮

亂流同國也

國宋本  
作歸

肥水出九江成德縣廣陽鄉西

呂忱字林曰肥水出良餘山俗謂之連枷山亦或

以為獨山也北流分為二水施水出焉肥水又北

逕獲城東又北逕荻江東又會

又宋本  
作右

施水枝津

首受施水於合肥縣城東西流逕成德縣注于肥

水也



肥水別北過其縣西北入芍陂

肥水自荻丘北逕成德縣故城西王莽更之曰平

阿也又北逕芍陂東又北逕死馬塘東芍陂瀆上

承井門與芍陂更相通注故經言入芍陂矣肥水

東北又合閻澗水宋本作肥水又北右合閻澗水上承施水於合

肥縣北流逕復道縣西水積為陽湖陽湖水自塘

西北逕死雩亭南夾橫塘西注宋太始初豫州司

馬劉順帥眾八千據其城地以拒劉劭杜叔寶以

精兵五千送糧死雩劉劭破之此塘水分為澗二

云記事點  
知是戰地

洛澗出焉閻漿水注之水受芍陂陂水上承澗水

於五門亭南別為斷神水又東北逕五門亭東亭

為眾水之會也衆宋本作二斷神水又東北逕神迹亭

東又北謂之豪水雖廣異名事實一水又東北逕

白芍亭東積而為湖謂之芍陂陂周一百二十許

里在壽春縣南八十里言楚相孫叔敖所造魏太

尉王陵與吳將張休文戰於芍陂即此處也陂有

五門吐納川流西北為香門陂水北逕孫叔敖祠

下謂之芍陂瀆又北分為二水一水東注黎漿黎



漿水東逕黎漿亭南文欽之叛吳軍北入諸葛緒拒之於黎漿卽此水也東注肥水謂之黎漿水口

又北過壽春縣東文輝公詩

肥水自黎漿北逕壽春縣故城東為長瀨津津側

有謝堂北亭迎送所薄水陸舟車是焉萃止又西

北左合東谿谿水引瀆北山西南流逕導公寺西

寺側因谿建刹五層屋宇閒敞崇虛携覺也携覺字誤

當作又西南流注于肥肥水又西逕東門臺卽

壽春外郭東北隅阿之榭也東側有一湖三春九

采云吳均與願章書有森壁爭霞孤峰限日之語限字甚奇善長注如闔日隱日蔽日皆平

平獨負日小勝然叔庠語尚不易及故知詩文妙詣絕無止法而守定印板陳陳相因目所未經指為旁路請從此等

參之

夏紅荷覆水引瀆城隍水積成潭謂之東臺湖亦

肥南播也肥水西逕壽春縣城北右合北谿水導

北山泉源下注漱石頽隍水上長林插天高柯負

日出於山林精舍右山澗寺左道俗嬉遊多萃其

下內外引汲泉同七淨谿水泐注西南逕陸道士

解南精廬臨側川谿○稱○意○語○寫○得○出○大不為廣小足閒居亦勝境

也谿水流注于肥水

北入于淮不與鄧北所

肥水又西分為二水右卽肥之故瀆過為船官湖



以置身艦也肥水左瀆又西石橋門北亦曰草市

門外有石梁渡此洲宋本作北洲洲上有西昌寺寺三

面阻水佛堂設三像真容妙相相服精偉舊本作燁是

蕭武帝所立也寺西即船官坊倉光都水史記齊世家云

蒼兕蒼兕總爾舟楫王克論是營是作湖北對八

公山山無樹木唯重阜耳宋本作童阜山上有淮南王

劉安廟劉安是漢高帝之孫厲王長子也折節下

士篤好儒學養方術之徒數十人皆為俊異焉多

神仙祕法鴻寶之道忽有八公皆鬚眉皓素詣門

希見門者曰吾王好長生今先生無任衰之術未

敢相聞八公咸變成童王甚敬之八士並能鍊金

化丹出入無間乃與安登山埋金於地白日昇天

餘藥在器雞犬舐之者俱得上昇其所昇之處踐

石皆陷人馬跡存焉故山即以八公為目余登其

上人馬之跡無聞矣唯廟像存焉廟中圖安及八

士像皆坐牀帳如平生被服纖麗咸羽扇裙帔巾

壺枕物一如常居廟前有碑齊永明十年所建也

山有隱室石井即崔琰所謂余下壽春登北嶺淮

譚云若然何得言草木皆兵

朱云劉安伏法漢書甚明不必辯其雞犬上昇之誕然世上有才人別有靈異出常理外如顏魯公輩亦何可盡駁也



譚云設婦生男當何如

南之道室八公石井在焉亦云左吳與王春傅生等尋安同詣玄洲還為著記號曰八公記都不列其雞犬昇空之事矣按漢書安反伏誅葛洪明其得道事備抱朴子及神仙傳肥水又左納葛陂瀆瀆水自黎漿分水引瀆壽春北逕芍陂門右北入城昔鉅鹿時苗為縣長是其留犢處也魏畧云時苗為壽春令始至乘輿黃犢後歲餘牛生犢及去任留犢與主簿曰是淮土所生也瀆東有東都街街之左道北有宋司空劉劭廟宋元徽二年建于東鄉孝義里廟前有碑時年碑功方創齊永明

元年方立沈約宋書言大始元年豫州刺史殷琰叛明帝假劭輔國將軍討之琰降不犯秋毫百姓來蘇生為立碑文過其實建元四年故吏顏幼明為其廟銘故佐一作吏龐挺為廟讚夏侯敬友為廟

頌並附刊于碑側瀆水又北逕相國城東劉武帝伐長安所築也堂宇廳館仍故以相國為名又北出城注肥水又西逕金城北又西左合羊頭谿水水受芍陂西北歷羊頭谿謂之羊頭澗水北逕熨湖左會烽火瀆瀆受淮於烽火村南下注羊頭谿側



逕壽春城西又北歷象門自沙門北出金城西門  
逍遙樓下北注肥瀆肥水北注舊瀆之橫塘爲玄  
康南路馳道左通船官坊也肥水逕玄康城西北  
流水北出際有曲水堂亦嬉遊所集也又西北流  
昔在晉世謝玄北禦苻堅祈謝云疑八公山及置  
陣於肥水之濱堅望山上草木咸爲人狀此卽故  
戰敗處非八公之靈有助蓋苻氏將亡之惑也肥  
水又西北注于淮是曰肥治也宋本作肥口  
施水又從廣陽鄉東南入于湖

譚云用字有  
意古入小處  
亦不苟

施水受肥於廣陽鄉東南流逕合肥縣應劭曰夏  
水出城父東南至此與肥合孫按漢志夏水出父  
城東南至此與淮合  
故曰合肥闕駟亦言出沛國城父東至此合爲肥  
余案川流派別無泂注之理方知應闕二說非實  
證也蓋夏水暴長施合於肥故曰合肥也非謂夏  
水自城父東逕合肥縣城南居四水中東又有逍  
遙津水上舊有梁孫權之攻合肥也張遼敗之於  
津北橋不撤者兩版權與甘寧蹶馬趨津谷利自  
後著鞭助勢遂得渡梁凌統被鎧落水後到追亡



流涕津渚施水又東分爲二水枝水北出焉下注  
陽淵施水又東逕湖口戍東注巢湖謂之施口也  
沮水出漢中房陵縣淮水東南過臨沮縣界

沮水出東汶陽郡沮陽縣西北景山卽荆山首也  
高峰霞舉峻崿層雲山海經云金玉是出亦沮水  
之所導故淮南子曰沮出荆山高誘云荆山在左  
馮翊懷德縣蓋以洛水有漆沮之名故也斯謬證  
耳杜預云水出新城郡之西南發阿山蓋山異名  
也沮水東南流逕沮陽縣東南縣有潼水東逕其

縣南下入沮水水又東南逕汶陽郡北卽高安縣  
界郡治錫城縣居郡下城故新城之下邑義熙初  
分新城立西表悉重山也沮水南逕臨沮縣西青  
谿水注之水出縣西青山山之東有濫泉卽青谿  
之源也口徑數丈其深不測其泉甚靈潔至於炎  
陽有亢陰雨無時以穢物投之輒能暴雨其水導  
源東流以源出青山故以青谿爲名尋源浮谿奇  
爲深峭盛弘之云稠木傍生凌空交合危樓傾岳  
疑作阜恒有落勢風泉傳響於青林之下巖猿流聲

鍾云山水之  
奇有筆所不



能追者然筆之所至亦時過之常通操其勝

於白雲之上遊者常若疑作目不周翫情不給賞

是以林徒棲託雲客宅心泉側多結道士精廬焉

青谿又東流入于沮水沮水又屈逕其縣南晉咸

和中為沮陽郡治也沮水又東南逕當陽縣城北

縣城因岡為阻北抗沮川其故城在東一百四十

里謂之東城在綠林長坂南長坂即張翼德橫矛

處也沮水又東南逕驢城西磨城東又南逕麥城

西昔關雲長詐降處自此遂叛吳志呂蒙襲羽羽在樊城自知孤窮

乃走麥城至漳鄉眾皆委傳云子胥造驢磨二城羽而降以是父子俱獲

以攻麥邑沮水又南逕楚昭王墓東對麥城故王

仲宣之賦登樓云西接昭丘是也沮水又南與漳

水合焉

又東南過枝江縣東南入于江

沮水又東南逕長城東又東南流注于江謂之沮

口也

漳水出臨沮縣東荆山東南過蓼亭又東過章鄉南

荆山在景山東一百餘里新城沛鄉縣界雖羣峰

競舉而荆山獨秀漳水東南流又屈西南逕編縣



南縣舊城東北一百四十里高陽城西南移治許  
茂故城城南臨漳水又南歷臨沮縣之彰鄉南昔  
關羽保麥城詐降而遯潘璋斬之於此漳水又南  
逕當陽縣又南逕于麥城東王仲宣登其東南隅  
臨漳水而賦之曰夾清漳之通浦倚曲沮之長洲  
是也漳水又南滄水注之山海經曰滄水出東北  
宜諸之山而流注于漳水

又南至枝江縣北烏扶邑入于沮

地理志曰禹貢東條荆山在臨沮縣之東北漳水

所出東至江陵入楊水注于沔非也今漳水於當  
陽縣之東南一百里餘而右會沮水也

夏水出江流于江陵縣東南

江津豫章口東有中夏口是夏水之首江之汜也  
屈原所謂過夏首而西浮顧龍門而不見也龍門  
卽郢城之東門也

又東過華容縣南

縣故容城矣春秋魯定公四年許遷于容城是也  
北臨中夏水自縣東北逕成都郡故城南晉永嘉



中西蜀阻亂割華容諸城爲潁王都夏水又逕交  
阯太守胡寵墓北漢太傅廣身陪陵而此墓側有  
廣碑故世謂廣冢非也其文言是蔡伯喈之辭歷  
范西戎墓南王隱晉書地道記曰陶朱冢在華容  
縣樹碑云是越之范蠡晉太原地記盛弘之荊州  
記劉澄之記並言在縣之西南郭仲產言在縣東  
十里檢其碑題云故西戎令范君之墓碑文缺落  
不詳其人稱蠡是其先也碑是永嘉二年立觀其  
所述最爲究悉似親逕其地故違衆說從而正之

水又東逕監利縣南晉武帝太康五年立縣土卑  
下澤多陂池西南自州陵東界逕于雲杜沌陽爲  
雲夢之藪矣韋昭曰雲夢在華容縣按春秋魯昭  
公三年鄭伯如楚子產備田具以田江南之夢郭  
景純言華容縣東南巴丘湖是也杜預云枝江縣  
安陸縣有雲夢蓋跨川亘隰兼苞勢廣矣夏水又  
東夏楊水注之水上承楊水於競陵縣之柘口競陵  
當作東南流與中夏水合謂之夏楊水又東北逕  
竟陵

江夏惠懷縣北而東北注



又東至江夏雲杜縣入于沔

應劭十三州記曰江別入沔為夏水源夫夏之為名始於分江冬竭夏流故納厥稱既有中夏之目亦苞大夏之名矣當其決水之所出謂之堵口焉鄭玄注尚書滄浪之水言今謂之夏水來同故世變名焉劉澄之著永初山川記云夏水古文以為滄浪漁父所歌也因此言之水應由沔今按夏水是江流沔非沔入夏假使沔注夏其勢西南非尚書又東之文余亦以為非也自堵口下沔水宋本作沔

宋云劉說似精而鄙復駁之正似顧子嘿精而狠矣

水通兼夏目而會于江謂之夏沔也故春秋左傳稱吳伐楚沈尹射奔命夏沔也杜預曰漢水曲入江即夏口矣

羌水出羌中參糧

孫按漢志引水經云羌水出羌中參谷

彼俗謂之天池白水矣地理志曰出隴西羌道東南流逕宕昌城東西北去天池五百餘里水又東南逕宕昌婆川城東南北涇姜水昔羌維之寇隴右也聞鍾會入漢中引還知雍州刺史諸葛緒屯橋頭從此谷將出北道緒邀之此路維更從此道



渡橋頭入劔閣繡遶之不及羌水又東南陽部水  
注之水發東北陽部谿西南逕安民戍又西南注  
羌水又東南逕武階城西南又東南葭蘆城西羊  
湯水入焉水出西北陰平北界湯谿東南逕北部  
城北又東南逕三部城南東南右妾水一作合傍  
西南出卽水源所發也羌水又逕葭蘆城南逕餘  
城南又東南左會五會水宋本作五部水有二源出南  
北五部溪西南流合爲一水屈而東南注羌水羌  
水又東南流至橋頭合白水東南去白水縣故城

九十里

又東南至廣魏白水縣與漢水合又東南過巴郡閬

中縣又南至墊江縣東南入于江

克家云廣魏字誤當作廣漢後同

涪水出廣魏涪縣西北

涪水出廣漢屬國剛氏遊徼外東南流逕涪水西

孫按漢書地理志廣漢郡剛氏道注此王莽之統當作剛氏道徼外東南流逕涪縣西

睦臧宮進破涪城斬公孫恢於涪自此水上縣有

潺水出潺山水源有金銀礪

當作礪

洗取火合之以

成金銀潺水歷潺亭而下注涪水涪水又東南逕



縣竹縣北臧宮溯涪至平陽公孫述將王元降遂  
拔縣竹涪水又東南與建始水合水發平洛郡西  
谿西南流屈而東西流入于涪涪水又東南逕江  
油戍北鄧艾自陰平景谷步道懸兵束馬入蜀逕  
江油廣漢者也涪水又東南逕南安郡南又南與  
金堂水會水出廣漢新都縣東南流入涪涪水又  
南枝出焉西逕廣漢五城縣爲五城水又西至成  
都入于江

南至小廣魏與梓潼合

小廣魏卽廣漢縣地王莽更名曰廣信也

梓潼水出其縣北界西南入于涪

故廣漢郡也公孫述改爲梓潼郡劉備嘉霍峻守  
葭萌之功又分廣漢以北別爲梓潼郡以峻爲守  
縣有五女蜀王遣五丁迎之至此見大蛇入山穴  
五丁引之山崩壓五丁及五女因是

一作山爲五

婦山又曰五婦侯馳水所出一曰五婦水亦曰潼  
水也其水導源南逕梓潼縣王莽改曰子同矣自  
縣西逕涪城東又南入于涪水謂之五婦水口也

譚云若爲五  
丁娶婦鬼旣  
同穴山以爲  
媒



又西南至小廣魏縣南入于墊江孫云魏當作漢縣字衍

亦言涪水至北入漢水亦謂之為內水北逕墊江

昔岑彭與臧宮自江州從涪水上公孫述令延岑

盛兵於沱水一作沅水宮左步右騎夾船而進勢動山

谷大破岑軍斬首溺水者萬餘人水為濁流沱水

出廣漢縣下入涪水也

涪水出漢中南縣東南旱山北至沔陽縣南入于沔

南縣當作南鄭縣按漢志南鄭縣有旱山

涪水即黃水也東北流逕城固南城城北城在山上

或言韓信始立或言張良創築未知定所制矣義

熙九年索遐為果州刺史自城固治此故謂之南

城城周七里今澗當作澗帶谷絕壁百尋北谷口造

城東門傍山尋澗五里有餘盤道登陟方得城治

城北水舊有桁北渡涪水水北有趙軍城城北又

有桁渡沔取北城城即大城固縣治也黃水右岸

有悅歸館涪水歷其北北至沔陽左沔為三水口

也

鍾云敘兵勢只八字寫盡



水經注卷三十三

水經注卷三十三

漢 桑 欽 撰

後魏 酈 道 元 注

江水一

岷山在蜀郡氏道縣大江所出東南過其縣北

岷山即瀆山也水曰瀆水矣又謂之汶阜山在徼

外江水所導也益州記曰大江泉源即今所聞始

發羊膊嶺下緣崖散漫小大百數殆未濫觴矣東

南下百餘里至白馬嶺而歷天彭闕亦謂之爲天



谷也。秦昭王以李冰爲蜀守，冰見氏道縣有天彭山，兩山相對，其形如闕，謂之天彭門，亦曰天彭關。江水自此已上，至微弱，所謂發源濫觴者也。漢延平中，岷山崩，壅江水三日不流。楊雄《反離騷》云：自岷山投諸江流，以弔屈原。名曰反騷也。

江水自天彭關東，逕汶關而歷氏道縣北。漢武帝元封四年，分蜀郡北部置汶山郡，以統之。縣本秦始皇置，後爲昇遷縣也。益州記曰：自白馬嶺，回行二千餘里至龍涸，又八十里至西陵縣，又

鍾云筆下有  
要領章法更  
井井然

南下六十里至石鏡，又六十餘里而至北部。始百許步，又西百二十餘里至汶山故郡，乃廣二百餘步，又西南百八十里至濕坂，江稍大矣。故其精則井絡纏曜，江漢昞靈，河圖括地象曰：岷山之精，上爲井絡。帝以會昌，神以建福。故書曰：岷山導江，泉流深遠，盛爲四瀆之首。廣雅曰：江，貢也。風俗通曰：出珍物，可貢獻，釋名曰：江，共也。小水流入其中，所公共也。東北百四十里，岷山中江所出，東注于大。江，峽山、邛峽山也。在漢嘉嚴道縣，一曰新道山南。



朱云華陽國志曰嚴道縣南有邛崃山上凝冰夏結縈迴九折不必說冬而奇寒自見道元益之以毒寒句殊昧省法

有九折坂夏則凝冰冬則毒寒王子陽按轡處也  
平恒言是中江所出矣郭景純江賦曰流二江於  
岨崃又東百五十里曰岨山北江所出東注于大  
江山海經曰岨山江水出焉東注大江其中多怪  
蛇江水又逕汶江道汶出徼外岨山西玉輪坂下  
而南行又東逕其縣而東注于大江故蘇代告楚  
曰蜀地之甲浮船於汶乘夏水而下江五日而至  
郢謂是水也  
又有湔水入焉

水出綿道亦曰綿夷縣之玉壘山呂忱云一日半  
浣水也下注江  
孫云綿夷字誤按漢志蜀郡有綿  
虎縣注云玉壘山湔水所出東南

至江陽入江應  
劭曰虎音斯

江水又東別為沱

開明之所鑿也郭景純所謂玉壘作東別之標者  
也縣即汶山郡治劉備之所置也渡江有笮橋  
江水又歷都安縣

縣有桃關漢武帝祠李冰作大堰於此堰於江作  
崩崩有左右口謂之湔崩江入郫江檢江以行舟



益州記曰、江至都安堰其右、檢其左、其正流遂東、  
郫江之右也、因山頽水坐致、竹木以溉諸郡、又羊  
摩江灌江西於玉女房下、作三石人於白沙郵、郵  
在堰官上、立水中刻要、江神水竭不至、足盛不沒、  
要是以蜀人旱則藉以為溉、雨則不遏其流、故記  
曰、水旱從人、不知饑饉、沃野千里、世號陸海、謂之  
天府也、俗謂之都安之堰亦曰前堰、又謂金隄左  
思蜀都賦云、西踰金隄者也、諸葛亮北征以此堰  
農大一作本國之所資、以征丁千二百人、主護之、有

譚云觀能白  
反即是祥徵  
旅非忠言晏  
自取殺  
朱云與字好  
異苑云漢室  
隆則炎赫彌  
熾桓靈之際  
火勢漸微真  
神異也

堰官益州刺史皇甫晏至都安屯觀坂、從事何旅  
曰、今所安營地名觀坂、自上觀下、反上之象、其徵  
不祥、不從、果為牙門張弘所殺、江水又逕臨邛縣、  
王莽之監邛也、縣有火井鹽水、昏夜之時、光與上  
照、華陽國志作光映上昭江水又逕江鄉縣、王莽更名邛原  
也、郫江水出焉、江水又東北逕郫縣、下縣民有姚  
精者、為叛夷所殺、掠其二女、二女見夢其兄、當以  
明日自沈江中、喪後日當至、可伺候之、果如所夢、  
得二女之尸於水、郡縣表異焉、江水又東逕成都



鍾云幻妙如見

縣縣以漢武帝元鼎二年立縣有二江雙流郡下故楊子雲蜀都賦曰兩江珥其前者也風俗通曰秦昭王使李冰爲蜀守開成都兩江溉田萬頃神歲取童女二人爲婦冰以其女與神爲婚徑至神祠勸神酒酒杯恒澹澹冰厲聲以責之因忽不見良父有兩牛鬪於江岸傍有間冰還流汗謂官屬曰吾鬪疲極當相助也南向腰中正白者我綬也主簿刺殺北面者江神遂死蜀人慕其氣決凡壯健者因名冰兒也秦惠王二十七年遣張儀與司

馬錯等滅蜀遂置蜀郡焉王莽改之曰導江也儀築成都以象咸陽晉太康中蜀郡爲王國更爲戎都內史益州刺史治地理風俗記曰華陽黑水惟梁州漢武帝元朔二年改梁曰益州以新啓犍爲犍牯越雋州之疆壤益廣故稱益云初治廣漢之雒縣後乃徙此故李固與弟囹書曰固今年五十七鬢髮已白所爲容身而遊滿腹而去周觀天下獨未見益州耳昔嚴夫子常言經有五涉其四州有九遊其八欲類此子矣初張儀築城取土處去

譚六八字甚適甚足亦和亦廉可爲遊訣有此地大益人故亦應稱益



城十里因以養魚今萬頃池是也城北又有龍隄池城東有千秋池西有柳池西北有天井池津流徑通冬夏不竭西南兩江有七橋直西門郛江沖里橋西南石牛門曰市橋吳漢入蜀自廣都令輕騎先往焚之橋下謂之石犀淵李冰昔作石犀五頭以厭水精穿石犀渠於南江命之曰犀牛里後轉犀牛二頭在府中一頭在市橋一頭沈之於淵也大城南門曰江橋橋南曰萬里橋西上曰夷橋下曰作橋南岸道東有文學始文翁爲蜀守立講

堂作石室於南城永初

舊水經作永年華陽國志作永初宋本作永平後

學堂遇火後守更增二石室後州奪郡學移夷里道西故錦官也言錦工織錦則濯之江流而錦至鮮明濯以沱江則錦色弱矣遂命之爲錦里也蜀有迴復水江神嘗溺殺人文翁爲守祠之勸酒不盡拔劍擊之遂不爲害江水東逕廣都縣漢武帝元朔二年置王莽之就都亭也李冰識察水脉穿縣鹽井江西有望穿鑿山渡水結諸陂池故盛養生之饒卽南江也又從沖里橋北折曰長升橋城

鍾云弱字妙

譚云文翁乃武



北十里曰升遷有送客觀司馬相如將入長安題其門曰不乘高

華陽國志作赤

車駟馬不過汝下也後入

叩蜀果如志焉李冰泐水造橋上應七宿故世祖

謂吳漢曰安軍宜在七橋連星間

華陽國志云安軍宜在七星間

漢自廣都乘勝進逼成都與其副劉尚南北相望

夾江為營浮橋相對公孫述使謝豐揚軍市橋出

漢後襲破漢墜馬落水緣馬尾得出入壁命將夜

潛渡江就尚擊豐斬之於是水之陰江北則左對

繁田文翁又穿湔洩以溉灌繁田一千七百頃江

水又東絕綿洛逕五城界至廣都北岸南入于江

謂之五城水口斯為北江水又東至南安為壁玉

津故左思云東越玉津也

又東南過犍為武陽縣青衣水洙水從西南來合而

注之

洙水當作洙水

縣故大夜郎國漢武帝開道置以為縣太初四年

益州刺史任安城武陽建元六年置王莽更名西

順縣曰戢成光武謂之士大夫郡

華陽國志曰更始時犍為遠奉

貢職及公孫述有蜀郡拒守述伐之郡功曹朱遵逆戰死之而任君業閉戶費貽素隱光武嘉之曰

譚云從志文夫一之字便如署名入地渾冥此裁剪



之妙

士大夫有鄱江入焉出江源縣首受大江東南流

至武陽縣注于江縣下注上舊有大橋廣一里半

謂之安漢橋水盛歲壞民苦治功後太守李嚴鑿

大杜山華陽國志尋江通道此橋遂廢縣有赤水

下注江建安二十九年有黃龍見此水九日方去

此縣藉江為大堰開六水門用灌郡下北山昔者

王喬所升之山也華陽國志健為東接江陽南接

升其北山彭江水又與文井江會李冰所導也自

祚道與濛谿分水至蜀郡臨邛縣與布僕水合水

出徼外成都西沈黎郡漢武元封四年以蜀都西

部邛祚邛理旄牛道天漢四年置都尉主外羌在

邛來山表自蜀西渡邛祚其至險有弄棟八渡之

難揚母閣路之阻水從縣西布僕來分為二流一

水逕其道又東逕臨邛縣入文井水文井水又東

逕江都縣縣濱文井江江上有長隄隄跨四十里

有朱亭亭南有青城山山上有嘉穀山下有蹲鴟

卽芋也所謂下有蹲鴟至老不饑卓氏之所以樂

遠徙也文井江又東至武陽縣天社山下入江其

譚云俱以仙聞而一升一沉一死一生並見乃作

冰云青城山黃帝封為五岳丈人一月之內群岳再朝六時酒泉以代晷漏在岷山之南群峰掩映互相連撞虛無所宅祥異則多見玉匣經而善長注殊略



豈身未經歷  
耶

一水南逕越嶲邛都縣西東南至雲南郡之蜻蛉

縣郡本雲山華陽國志作川地也蜀建興三年置僕水又

南逕永昌郡邪龍縣而與貪水合水出蜻蛉縣上

承蜻蛉水逕葉榆縣又東南至邪龍入于僕僕水

又逕寧州建寧縣州故庾降都督屯故南入南之

屯下劉禪建興三年分益州郡置歷雙栢縣即亦

入焉水出秦藏前漢地志作藏縣牛蘭山南流至雙栢縣

東注僕水又東至來唯縣入勞水水出徼外東逕

其縣與僕水合僕水東至交州交阯郡麓冷一作陵

縣南流入于海江水自武陽東至彭亡聚昔岑彭

與吳漢涪江水入蜀軍次是地知而惡之會日暮

不移遂為刺客所害亦謂之平謨水曰外水此地

有彭冢言彭祖冢焉江水又東南逕南安縣西有

熊耳峽連山競險接嶺爭高漢河平中山崩地震

江水逆流懸漑有灘名壘坻亦曰監漑李冰所平

也華陽國志南安縣郡東四百里治青衣江會縣

縣治青衣江會衿帶二水矣即蜀王開明故治也

來敏本蜀論曰荆人鼈令死漢志并柯郡有鼈縣其尸隨水

鍾云四字與  
上句同意而  
妙過之



譚云後引經  
云濛水出漢  
陽則稱蒙漢  
亦得

上荆人求之不得，鼈令至汶山下，復生起見望帝，  
望帝者杜宇也，從天下，女子朱利，自江源出為宇  
妻，遂王於蜀，號曰望帝，望帝立以為相，時巫山峽  
而蜀水不流，帝使鼈令鑿巫峽，通水蜀，得陸處，望  
帝自以德不若，遂以國禪，號曰開明，縣南有峨眉  
山，有濛水，即大渡水也，水發蒙漢東南流，與泔水  
合，水出徼外，逕汶江道，呂忱曰：泔水出蜀，許慎以  
為泔水也，從水，我聲，南至南安，入大渡水，大渡水  
又東入江，故山海經曰：濛水出漢陽西，入江，灑陽

西

又東南過熨道縣北，若水淹水合，從西來注之，又東

注水北流注水疑誤北流  
注下當有之字

譚云熨也富  
熨也仁華之  
為富不仁者  
真夷獠之不  
若矣

縣本熨人居之，地理風俗記曰：夷中最仁，有仁道，  
故字從人，秦紀謂熨，僮之富者也，其邑高，后六年  
城之，漢武帝感相如之言，使縣令南通熨道，費功  
無成，唐蒙南入，斬之，乃鑿石開閣，以通南中，迄于  
建寧，二千餘里，山道廣丈餘，深三四丈，其壑舊本  
作鑿之迹猶存，王莽更曰熨治也，山多猶猢，似猴而短



足好遊巖樹一騰百步或三百丈順往倒返乘空

若飛縣有蜀王兵蘭華陽國志云江有兵欄李冰燒之後漢志云有玉岳蘭

其神作大難江中崖峻岨險不可穿鑿李冰乃積

薪燒之故其處懸巖猶有赤白玄黃五色焉赤白

照水玄黃從焚來至此而止言畏崖嶮不更上也

後漢志云越嶲舊本有焚人崖有五色赤白映水玄黃魚從楚來至此而止益部耆舊傳

曰張員妻黃氏女也名帛華陽國志云焚道黃帛張貞妻也員乘

船覆沒求尸不得帛至沒處灘頭仰天而歎遂自

沈淵積十四日帛持員手於灘下出時人為說曰

符有光洛焚道有張帛者也華陽國志云符有先郡志內先氏之女名絡

江水又與符里水合

水出寧州南廣郡南廣縣縣故犍為之屬縣也漢

武帝太初元年置劉禪延熙中分以為郡導源汾

關山北水流有大步水注之步宋本作涉出南廣縣北

流注符里水又北逕焚道入江謂之南廣口渚水

則未聞也

又東過江陽縣南洛水從三危山東過廣魏洛陽南

水經注

譚云志以為魚於崖何居注以為火釋義乃可

譚云黃絹幼婦得帛絡經緯生色



東南注之

魏當作漢

洛水出洛縣漳山亦言出梓潼縣栢山山海經曰  
三危在燉煌南與嶧山相接山南帶黑水又山海  
經不言洛水所道經曰出三危山所未詳常璩云  
李冰道洛通山水流發暴一作瀑口逕什邡縣漢高  
帝六年封雍齒爲侯國王莽更名曰美信縣也洛  
水又南逕洛縣故城南廣漢郡治也漢高祖之爲  
漢王也發巴渝之士北定三秦六年乃分巴蜀置  
廣漢郡於乘鄉王莽之就都縣曰廣信也漢安帝

永初二年移治涪城後洛縣先是洛縣城南每陰  
雨常有哭聲聞於府中積數十年沛國陳寵爲守  
以亂世多死亡暴骸不葬故也乃悉收葬之哭聲  
遂絕劉備自將攻洛龐士元中流矢死於此益州  
舊以蜀郡廣漢犍爲三蜀土地沃美人士雋又爲  
一州稱望縣有沈鄉去江七里江士遊之所居詩  
至孝母好飲江水嗜魚膾常以雞鳴遡流汲江子  
坐又水溺死婦恐姑知稱詩遊學冬夏衣服實投  
江流於是至孝上通洞泉泉出其舍側而有江之

譚云今人記事必以出泉



出鯉相連而  
綴溉田於後  
矣那得此類  
上文毛之法

其焉詩有田濱江澤鹵泉流所溉盡為沃野又湧

泉之中且且常出鯉魚一雙以膳焉可謂孝悌發

於方寸微美著於無窮者也江士遊後漢書作姜士遊華陽國志云孝

子江陽符長姜詩字士遊洛水又南逕新都縣蜀有三都謂成

都廣都此其一焉與綿水合水西出綿竹縣又與

湔水合亦謂之郫江也又言是洛宋本水呂忱口

一曰湔然此二水俱與洛會矣又逕犍為牛鞞水

昔羅尚乘牛鞞水東征李雄謂此水也縣以漢武

帝元封二年置又東逕資中縣又逕安漢縣謂之

綿水也自上諸縣咸以溉灌故語曰綿洛為沒沃

也綿水至江陽縣方山下入江謂之綿水口曰中

水江陽縣枕帶雙流據江洛會也漢景帝六年封

趙相蘇嘉為侯國江中有大門小門焉季秋之月

則黃鱗魚死漚也黃鱗下有譌誤按華陽國志云江中有大關小關季春黃龍堆

沒關即平昔世祖微時過江陽縣有一子望氣者言江

陽有貴兒象王莽求之而撩煞之後世祖怨為子

立祠於縣謫其民罰布數世華陽國志云江陽有貴兒氣王莽求之而

縣人殺之世祖謫其民不使冠帶者數世楊雄琴清英曰尹吉甫子伯



鍾云四字多  
少娟妙  
譚云多一之  
字更覺委蛇

朱云一句咄  
起

奇至孝，後母譖之，自投江中，衣苔帶藻，忽夢見水  
僊，賜其美藥，惟養親，揚聲悲歌。船人聞之，而學之。  
吉甫聞船人之聲，疑似伯奇，援琴作子安之操。

江水逕安漢縣北

縣雖迫山川，土地特美，蠶一作魚鹽家有焉。江陽

郡治也，故犍為岐江都尉。建安十八年，劉璋立

江水東逕樊石灘，又逕大附灘

頻歷二險也

又東過符縣北，邪東南，鰓部水從符關東北注之。漢志

有邪  
龍縣

縣故巴夷之地也。漢武帝建初六年，以唐蒙為中

郎，將從萬人出巴符關者也。漢武元鼎二年，立王

莽之符信矣。縣治安樂水，會水源南通寧州，平夷

郡，鼈縣北逕安縣界之東，又逕符縣下。孫云北逕安縣疑有

脫落，按漢志犍為北入江，縣長趙祉遣吏光尼和

以永建元年十一月，詣巴郡，沒死成濡灘。子賢求

喪不得，女絡年二十五歲，有二子，五歲以還，至二

年二月十五日，尚不得喪，絡乃乘小船至父沒處。

譚云記歲月  
偏詳



譚云父名尼  
女却名雄

哀哭自沈、見夢告賢曰、至二十一日、與父俱出、至

日、父子果浮出江上、郡縣上言、為之立碑、以旌孝

誠也、華陽國志作先尼和、沒死女絡以不得喪自沈、父沒處後漢書云孝女叔先雄、父泥和為

捷為功曹、墮湍水物故、雄怨痛不得尸喪、百許日後、自投水、却後六日、與父相持、浮於江上、搜神記

云捷為叔先泥和、其女各雄其鰥部之水所未聞矣、或是水之

殊目非所究也

又東北至巴郡江州縣東、強水、涪水、漢水、白水、宕渠

水、水合南流注之

宋本作五水合

強水即羗水也、宕渠水即潛水、渝水矣、巴水出晉

昌郡、宣漢縣、巴嶺山、郡隸梁州、晉太康中立治、漢

中縣南去郡八百餘里、故蜀巴西西南流、歷巴中、逕

巴郡故城南、李嚴所築大城北、西南入江、庾仲雍

所謂江州縣對二水口、右則涪內水、左則蜀外水

即是水也、江州縣故巴子之都也、春秋桓公九年

巴子使韓服告楚、請與鄧好、是也、及七國稱王、巴

亦王焉、秦惠王遣張儀等救苴侯於巴、儀貪巴首

之富、因執其王以歸、而置巴郡焉、巴治江州、漢獻

帝初平元年、分巴為三郡於江州、則永寧郡治也



至建安六年劉璋納騫消華陽國志之訟復為巴

郡以嚴顏為守顏見先主入蜀歎曰獨坐窮山放

虎自衛此即拊心處巴漢世郡治江州巴水北北

府城是也後乃徙南城劉備初以江夏費觀為太

守領江州都督後都護李嚴更城周一十六里造

倉龍白虎門求以五郡為巴州治丞相諸葛亮不

許竟不果地勢側峻皆重屋累居數有火害又不

相容結舫水居者五百餘家承三江之會夏水增

盛壞散顛沒死者無數縣有官橋官荔枝園夏至

鐘云雅事今  
間猶有此風

曰荔枝會

朱云荔枝園

猶存安得風

流太守如此

譚云錦江粉

水偏能媚人

誰謂水無情

則熟二千石常設廚膳命士大夫起甚共會樹下食之

縣北有稻田出御米也縣下又有清水穴巴人以

此水為粉則皜曜鮮芳貢粉京師因名粉水故世

謂之為江州墮林粉粉水亦謂之為立水矣江水

北岸有塗山南有夏禹廟塗君祠廟銘存焉常璩

仲雍並言禹娶於此余按羣書咸言禹娶在壽春

當塗不於此也

又江水東至枳縣西延江從犍犍郡北流西屈注之

東逕陽關巴子梁江之兩岸猶有梁處巴之三關



斯爲一也延熙中蜀車騎將軍鄧芝爲江州都督  
治此江水又東右逕黃葛峽山高峻今無人居江  
水又左逕明月峽東至梨鄉歷雞鳴峽江之兩岸  
有枳縣治華陽記曰枳縣在江州巴郡東四百里  
治涪陵水會庾仲雍所謂有別江出武陵者也水  
乃延江之枝津分水北注逕涪陵入江故亦云涪  
陵水也其水南逕武陵郡昔司馬錯泝舟此水取  
楚黔中地延熙中鄧芝伐徐巨射玄獲於是縣獲  
自拔矢卷木葉塞射瘡芝歎曰傷物之生吾其死  
矣江水又東逕涪陵故郡北後乃并巴郡遂罷省  
江水又東逕文陽灘灘險難上江水又東逕漢平  
二百餘里左自涪陵東出百餘里而屆于積石東  
爲桐柱灘

又逕東望峽東歷平都

峽對豐民洲舊巴子別都也華陽記曰巴子雖都  
江平州又治平都卽此處也有平都縣爲巴郡之  
隸邑矣縣有天師治兼建佛寺甚清靈縣有市肆  
四日一會



譚云夏字着  
眼

江水又逕虎鬚灘

灘水廣大夏斷行旅

江水又東逕臨江縣南

王莽之鹽江縣也華陽記曰縣在枳東四百里東

接胸忍縣有鹽官自縣北入鹽井谿有鹽井管戶

泚注谿井水

當作注鹽井谿水

江水又東得黃華水口

江浦也

左逕石城南

庾仲雍曰臨江至石城黃華口一百里

又東至平洲

洲上多居民

又東逕壤塗而歷和灘又東逕界壇

是地巴東之西界益州之東境故得是名也又東

過魚復縣南夷水出焉

江水又東右得將龜谿口

華陽記曰胸忍縣出靈龜咸熙元年獻龜於相府

言出自此谿也

譚云前云斷  
行旅見廣大  
此云多居民  
見其平文雖  
斷離意實遙  
映



江水又東南會北集渠

二谿水涪陵縣界謂之于陽谿北流逕巴東郡之南浦僑縣西谿夾側鹽井三口相去各數十步以木爲桶徑五尺修煮不絕谿水北流注於江謂之南集渠口亦曰于陽谿口北水出新浦縣北高粱山分谿南流逕其縣西又南一百里入胸忍縣南入于江謂之北集渠口別名班口又曰分水口胸忍尉治此

江水又右逕池谿口

蓋江汜決入也

江水又東逕右龍

水至于博陽二村之間有盤石廣四百丈長六里而復殆于岨塞江川夏沒冬出基亘通渚

又東逕羊腸虎臂灘

楊亮爲益州至此舟覆懲其波瀾蜀人至今猶名之爲使君灘

江水又東彭水注之

水出巴渠郡獠孫云當作羣獠中東南流逕漢豐縣東清

譚云畏語倩出故當易虎臂爲使君

譚云羣獠相連恐未安下



文有獠中宇  
似屬下也

水注之水道源出西北巴渠縣東北巴嶺南獠中  
即巴渠水也西南流至其縣又西入峽檀井谿水  
出焉又西過山至漢豐縣東而西注彭谿謂之清  
水口彭谿又入逕胸忍縣西六十里南流至于江  
謂之彭谿口

江水又東右逕胸忍縣故城南  
常璩曰縣在巴東郡西二百九十里縣治故城跨  
其山阪南臨大江之南岸有方山山形方峭枕側  
江濱

江水又東逕瞿巫灘

即下瞿灘也又謂之博望灘左則湯谿水注之水

源出縣北六百餘里上庸界南流歷之縣

當作翼其縣

譚云縣字可屬下文

帶鹽井一百所巴川資以自給粒大者方寸中央  
隆起形如張傘故因名之曰傘子鹽有不成者形  
亦必方異於常鹽矣王隱晉書地道記曰入湯口  
四十三里有石煮以為鹽石大者如升小者如拳  
煮之水竭鹽成蓋蜀火井之倫水火相得乃佳矣  
湯谿下與檀谿水合上承巴渠水巴渠南歷檀井



水經注 卷三十三  
谿之檀井水下入湯水湯水又南入于江名曰湯

江水又逕東陽灘

江上有破石故亦通謂之破石灘荀延光沒處也

舊本作荀延光吳改作荀常璩曰水道有東陽下瞿數灘山有

大小石城靈壽木及橘圃也故地理志曰縣有橘

官有民市

江水又逕魚復縣之故陵

舊郡治故陵谿西二里故陵村谿即永谷也地多

木瓜樹有子大如鯉白黃實甚芬香爾雅之所謂

楸也

江水又東為落牛灘逕故陵北

江側有六大墳庾仲雍曰楚都丹陽所葬亦猶枳

之巴陵矣故以故陵為名也有魚復尉戍此江之

左岸有巴鄉村村人善釀故俗稱巴鄉清郡出名

酒村側有谿谿中多靈壽木中有魚其頭似羊豐

肉少骨美於餘魚谿水伏流逕平頭山內通南浦

故縣陂湖其地平曠有湖澤中有菱芡鯽鴈不異

譚云此中可  
隱



外江凡此等物皆入峽所無地密惡蠻不可輕至

江水又右逕夜清而東歷朝陽道口

有縣治治下有市十日一會

江水又東左逕新市里南

常璩曰巴舊立市於江上今新市里是也

江水又東右合陽元水口

水口出陽縣西南高陽山東東北流逕其縣南東

北流丙水注之水發縣東南柏枝山山下有丙穴

穴方數丈中有嘉魚常以春末遊渚冬初入穴抑

亦襄漢丙穴之類也

任豫益州記云嘉魚之鱗似鱒蜀人謂之拙魚從石孔隨

泉出大者五六尺

其水北流入高陽谿谿水又東北流注

于江謂之陽元水口

江水又東逕南鄉峽東逕永安宮南

劉備終於此諸葛亮受遺處也其間平地可二十

許里江山迥濶入峽所無城周十餘里背山面江

頽墉四毀荆棘成林左右民多墾其中

江水又東逕諸葛亮圖壘南

石磧平曠望兼川陸有亮所造

宋本云所作

八陣圖東

謂云屢舉入峽所無以峽中政難尋營平曠耳



跨故壘、皆累細石爲之、自壘西去、聚石入行、行間相去二丈、因曰八陣、旣成、自今行師、庶不覆敗、皆圖兵勢行藏之權、自後深識者所不能了、今夏水漂蕩、歲月消損、高處可二三尺、下處磨滅殆盡、江水又東南、逕赤岬西

是公孫述所造、因山據勢、周廻七里、一百四十步、東高二百丈、西北高一千丈、南連基白帝山、甚高大、不生樹木、其土悉赤、土人云如人袒、岬故謂之赤岬、山淮南子曰、徬徨於山岬之旁、注曰岬、山脅也、郭仲產曰、斯名將因此而興矣、

江水又東、逕魚復縣故城南

故魚國也、春秋左傳文公十六年、庸與羣蠻叛楚、莊王伐之、七遇皆北、唯裨儵魚人逐之、是也、地理志、江關都尉治、公孫述名之爲曰帝、取其王巴蜀章武二年、劉備爲吳所破、改白帝爲永安、巴東郡治也、漢獻帝初平元年、分巴爲三都、以魚復爲故陵郡、趙胤訴劉璋、改爲巴東郡治、趙胤當作蹇胤、見華陽國志白帝山城、周廻二百八十步、北緣馬嶺、接赤岬山、



其間平處，南北相去八十五丈，東西十七丈，又東傍東灤谿，卽以爲隍，西南臨大江，闕之眩目，唯馬嶺小差，委迤猶斬爲路，羊腸數四，然後得上，益州刺史鮑陋鎮此，爲譙道，福所圍，城裏無泉，乃南開水門，鑿石爲函道，上施木天公，直下至江中，有似猿臂相牽引汲，然後得水，水門之西，江中有孤石爲淫，預石冬出水二十餘丈，夏則沒，亦有裁處。宋本

作矣，李膺益州記云：灤源堆夏水漲沒數十丈，其出狀如馬舟人不敢進，又曰：猶豫言舟子取途不決水脈故猶豫也。樂府縣有夷谿，卽狼山清江作淫，豫坤元錄作允，豫

也經所謂夷水出焉

江水又東逕廣谿峽

斯乃三峽之首也，其間三十里，頽巖倚木，厥勢殆交。北岸山上有神淵，淵北有白鹽崖，高可千餘丈，俯臨神淵，土人見其高白，故因名之。天旱燃木岸上，推其灰燼下，穢淵中，尋則降雨，常璩曰：縣有山，舊本錯以消水注，并灑水注，三百六十六字入此，今改正之。澤水神旱時鳴鼓

朱云坡公云：天下山水在蜀，此語若不乎然，善長注水叙域內山川略盡而奇峭深杳絕無有能踰之者，而筆亦隨之前如常璩盛

請雨則必應，嘉澤蜀都賦所謂應鳴鼓而興雨也。峽中有瞿塘黃龍二灘，夏水廻復，汭沂所忌，瞿塘



弘之後如杜  
甫陸游其詩  
文妙處多在  
蜀中益見坡  
老知言

譚云此處可  
着愁人

灘上有神廟，尤至靈驗。刺史二千石逕過，皆不得  
鳴角伐鼓，商旅上水，恐觸石有聲，乃以布裹篙足。  
今則不能爾，猶饗薦不輟。此峽多猿，猿不生北岸，  
非唯一處，或有取之，放著北山中，初不聞聲，將同  
貉獸，渡汶而不生矣。蓋自昔禹鑿以通江，郭景純  
所謂巴東之峽，夏后䟽鑿者，又東出江關入南郡  
界。

江水自關東逕弱關捍關

捍關廩君浮夷水所置也。弱關在建平秭歸界，昔  
巴楚數相攻伐，藉險置關以相防捍。秦兼天下，置  
立南郡，自巫上皆其城也。又東過巫縣南，鹽水從  
縣東南流注之。

江水入東烏飛水注之

入東當  
作又東

水出天門郡漢中縣界，北流逕建平郡沙渠縣南。  
又北流逕巫縣南，西北歷山道三百七十里，注于  
江，謂之烏飛口。



水出於山

其水出於山西北到山後三百十里至

水出於山西北到山後三百十里至

水出於山西北到山後三百十里至

水出於山西北到山後三百十里至

水出於山西北到山後三百十里至

水經注卷三十三





